


水經注釋地

五之七

三



			九	漢
			一	書
			〇	門
			〇	
一	四	四	五	類
六	架	函	號	
冊				

庫	文	閣	內
二	九		漢
一	一		
函	〇		書
三	一	五	
一	六		
架	冊	號	類

內閣文庫			
番號	漢	9105	
冊數	16 (3)		
函號	291	89	

共十六



水經卷五

漢草文庫

漢桑欽撰 後魏酈道元注 新安張匡學三悅氏釋

河水五 漯水

河水又東過平陰縣北湛水從北來注之河水又東逕
河陽縣故城南

春秋經書天王狩于河陽壬申公朝于王所晉侯執

衛侯而歸于京師春秋左傳僖公二十八年冬會于

溫執衛侯是會也晉侯召襄王以諸侯見且使王狩

仲尼曰以臣召君不可以訓故書曰天王狩于河陽

言非其狩地服虔賈逵曰河陽溫也班固漢書地理

志司馬彪袁崧郡國志晉太康地道記十三州志河



平陰縣今河南
地關平陰縣今河南
河陽縣故城在
河南懷慶府孟
將西南三十里

溫縣今懷慶府
屬縣

孟津河今懷慶府孟縣地

漢世祖原陵在河南省河南府孟津縣西

洛陽縣今河南府附郭首縣

陽別縣非溫邑也漢高帝六年封陳涓為侯國王莽之河亭也十三州志曰治河上河孟津河也郭緣生述征記曰踐土今治阪城是名異春秋焉非今河北見者河陽城故縣也在治阪西北蓋晉之溫地故羣儒有溫之論矣魏土地記曰治阪城舊名漢祖渡城嶮固南臨孟津河洛陽西北四十二里故鄧鄉矣河水又逕臨平亭北

帝王世紀曰光武葬臨平亭南西望平陰者也

河水又東逕洛陽縣北

河之南岸有二宋本一作一碑北面題云洛陽北界水二渚

分為之也上舊有河平侯祠祠前有碑今不知所在

郭頒世語曰晉文王之世大魚見孟津長數百步高五丈頭在南岸尾在中渚河平侯祠即斯祠也

河水又東逕平縣故城北

漢武帝元朔三年封濟北真王子劉遂為侯國王莽之所謂治平矣俗謂之小平也有高祖講武場河北側岸有二城相對置北中郎府徙諸從隸府戶并羽林虎賁領隊防之河水南對首陽山春秋所謂首戴也夸齊之歌所矣曰登彼西山宋本作夸齊之歌所上有夸齊之廟前有二碑並是以漢河南尹廣陵陳導洛陽令徐循與處士平蘇騰南陽何進等立事見其碑又有周公廟魏氏起元武觀於芒垂張景陽元

首陽山在河南府偃師縣西北二十五里

盟津今河南府
孟津縣又懷慶
府孟縣地

武觀賦所謂高樓特起竦峙峒堯直亭亭以孤立延
千里之清颺也朝廷有當作置冰室於斯阜室內有
冰井春秋左傳曰日在北陸而藏冰常以十二月採
冰於河津之隘峽石之阿北陰之中即邠詩二之日
鑿冰冲冲矣而內於井室所謂納於凌陰者也河南
有鉤陳壘世傳武王伐紂八百諸侯所會處尚書所
謂不期同時也紫微有鉤陳之宿主鬪訟兵陣故遁
甲攻取之法以所攻神與勾陳并氣下制所臨之辰
則袂疑禽敵是以壘資其名矣河水至一作由斯有
盟津之目論衡曰武王伐紂升舟陽侯波起疾風疾
逆當作流武王操黃鉞而麾之風波畢除中流白魚入

富平津在孟津
縣境即晉杜鎮
南造河橋處

於舟燬以告天與八百諸侯咸同此盟尚書所謂不
謀同辭也故曰孟津亦曰盟津尚書所謂東至于孟
津者也又曰富平津晉陽秋曰杜預造橋於富平津
所謂造舟為梁也又謂之曰陶河魏尚書僕射杜畿
以帝將許魏志云帝試樓船覆於陶河謂此也昔禹
治洪水觀於河見白面長人魚身出曰吾河精也授
禹河圖而還於淵及子朝篡位與敬王戰乃取周之
寶玉沈河以祈福後二日津人得之於河上將賣之
則變而為石及敬王位定得玉者獻之復為玉也
河水又東沮水入焉

山海經曰和山上無草木而多瑤碧實惟河之九都

首山在河南直隸州許州屬襄城縣南五里

鞏縣今河南府屬縣

崆原邱在鞏縣西北三十里

是山也五典山海經九水出焉合而北流注於河其

陽多蒼玉吉神泰逢司之是於萑山之陽山海經作

萑山之陽出入有光吕氏春秋曰夏后氏孔甲田於東陽

萑山遇大風雨迷惑入於民室皇甫謐帝王世紀以

為即東首陽山也蓋是山之殊目矣今於首陽東山

無水以應之當是今古世縣川域改狀矣昔帝堯修

壇河洛擇良議沈率舜等升於首山而導河渚有五

老遊焉相謂河圖將來告帝以期知我者重瞳也五

老乃翻為流星而升於昴即於此也論語比考識曰堯與舜等遊首

山觀河渚有五老遊河一老曰河圖將來告帝期河圖將浮龍銜工苞刺版題命可卷金泥玉檢書成知

我者重瞳黃姚歌 訖五老飛入於昴

又東沛水注焉又東過鞏縣北沛水當作沛水沛與濟同此後濟水中凡有沛

水者竝誤矣

河水於此有五社渡為五社津建武元年朱鮪遣持

節使者賈彊討難將軍蘇茂將三萬人從五社津渡

攻溫馮異遣校尉與寇恂合擊之大敗追至河上生

擒萬餘人投河而死者數千人縣北有山臨城謂之

崆原邱其下有穴謂之鞏穴言潛通浦北達於河直

穴有渚謂之鮪渚成公子安大河賦曰鱸鯉王鮪暮

來遊周禮春薦鮪然非時及佗處則無故河自鮪穴

已上又兼鮪稱吕氏春秋稱武王伐紂至鮪水紂使

膠鬲候周師即是

洛汭一名什谷
在鞏縣洛水入
河之處

成臯縣今開封
府汜水縣地
懷縣今懷慶府
武陟縣地

洛水從縣西北流注之

洛水於鞏縣而東洛汭北對琅邪渚入於河謂之洛
口矣自縣西來而北流注洛清濁異流皦焉殊別應
楊靈河賦曰資虛川之遐源出崑崙之神邱涉津洛
之峻泉播九道於中州者也原賦虛作
靈峻作阪

又東過成臯縣北濟水從北來注之

河水自洛口又東左逕平高縣南又東逕懷縣南濟
水故道之所入與成臯分河水

河水又逕黃馬阪北

謂之黃馬關孫登之去陽駿作書與洛中故人處也
晉書云武帝崩楊駿輔政百官總已公室怨望天下
憤然駿自知素無美望乃徵高士孫登遺以布被登

截被於門大呼曰斫斫刺刺旬日
託疾詐死後駿果敗死於馬廄

河水又東逕旋門阪北

今成臯西大阪者也升陟此阪而東趣成臯也曹大
家東征賦曰望河洛之交流看成臯之旋門者也

河水東逕成臯大伾山下按史記括地志云大伾山今
名黎陽東山在衛州黎陽南

張揖云今
成臯非也

爾雅曰山一成謂之伾許慎吕忱等並以為邱一成

也孔安國以為再成曰伾亦或以為地名非也尚書

禹貢曰過洛汭至大伾者也鄭康成曰地喉也流宋本

沈作出伾際矣然則大伾在河內修武武德之界濟沈

之水與滎播澤出入自此然則大伾即是山矣伾北

大伾山一名黎
陽山一名青澶
山在河南衛輝
府濟縣東二里

東魏今開封府
汜水縣地制杜
注鄭邑河南成
阜縣一名虎牢
今汜水縣西有
虎牢城
河南通志載古
滄關在汜水縣
西二里本周穆
王養虎處漢置
成阜縣隋曰虎
牢唐曰武牢明
名古滄關

即經所謂濟水從北來注之者也今沛水自溫縣入
河不於此也所入者奉濟舊本水耳即溝舊本沈之
故瀆矣成阜縣之故徑上縈帶徑阜絕岸峻周高四
十許丈城張翕嶮崎而不平春秋傳曰制巖邑也虢
叔死焉即東虢也魯襄公二年七月晉成公與諸侯
會於咸左傳遂城虎牢以逼鄭求平也蓋修故耳穆
天子傳曰天子射鳥獵獸於鄭圃命虞人掠林有虎
在乎舊本葭中天子將至七萃之士高奔戎生擒虎
而獻之天子命之為柙畜之東虞是曰虎牢矣然則
虎牢之名自此始也秦以為關漢乃縣之城西北隅
有小城周三里北面列觀臨河茗茗孤上景明中言

之壽春路直茲邑升眺清遠勢盡川陸羈途遊至有
傷深情

河水南對玉門

昔漢祖與滕公潛出濟於是處也門東對臨河側岸
有土穴魏攻此宋本同州刺史毛德祖於虎牢戰經
二百日不尅城惟一井井深四十丈山勢峻峭不容
防捍潛作地道取井余頃因公至彼故往尋之其穴
處猶存

河水又東合汜水汜音似汜水在成阜故城東

水南出浮戲山世謂之曰方山也北流車關水出於
嵩渚之山也泉發於層阜之上源兩枝分流瀉注

方山在汜水縣
南四十里汜水
出焉

嵩渚山在開封府滎陽縣東南二十五里一名小陘山索水出焉

杜注東號在滎陽縣後并於鄭故有城在今汜水縣東十里近滎陽界

世謂之石泉水也東流為索水西注為車關西北流楊蘭水注之水出非山西北流注為車關水又西北蒲水入焉水自東浦西流與車關水合而亂流注於汜汜水又北右合石城水水出石城山其山複澗重嶺敬壘若城山頂泉流瀑布縣瀉下有溫泉東流洩注邊有數十石畦畦有聲宋本作數野蔬巖側石窟數口隱跡存焉而不知誰所經始也又東北流注入於汜水汜水下北合鄆水水西出婁山至冬則燠故世謂之溫泉東北流逕田鄆谷謂之田鄆溪水東流注於汜水汜水又北逕虎牢城東漢破司馬欣曹咎於是水之上汜水又北流注於河征難賦盧諶有征難賦所謂步

汜口之芳草弔周襄之鄙館者也余按疑脫一先字儒之論周襄所居在潁川襄城縣是乃城名非為水目原夫致謬之由俱以汜鄭為名故也是為爽矣又按郭緣生述征記劉澂之永初記並言高祖即帝位於是當有水之字陽今不復知舊壇所在盧諶崔雲亦言是矣余按高皇帝受天命於定陶汜水又不在此也於是求壇故為髣髴矣定陶汜水音泛取其汜愛而潤下河水又東逕板城北有津謂之板城渚口河水又東逕五龍隰北臨長河鳴有五龍祠應劭云崑崙山廟在河東滎陽

滎陽縣今開封府屬縣
蕩蕩渠一名通濟渠在開封府城內今湮沒無跡

縣疑即此祠所未詳

又東過滎陽縣蕩蕩渠出焉

大禹塞滎澤開之以通淮泗即經所謂蕩蕩渠也漢

平帝之世河汴波壞未及得修汴渠東侵日月彌廣

水門故處皆在水中御覽引此作門閭故處後漢明漢書王景傳作皆在河中

帝永平十二年議治汴渠上乃引樂浪人王景問理

水形便景陳利害應對敏捷帝甚善之乃賜山海經

河渠書禹貢圖及以錢帛後作隄發卒數十萬詔景

與將作謁者王吳共防築隄修塹後漢書及王吳御覽引此亦作吳下作治

渠築隄防修塹起自滎陽東至千乘海口千有餘里

景乃商度地勢鑿山開澗防遏衝要疏波壅積十里

一水門更相洄注無復潰漏之患明年渠成帝親巡

行詔濱河郡國置河隄員吏如西京舊制景由是顯

名王吳諸從事者皆增秩一等順帝陽嘉中又自汴

口以東緣宋本作緣河積石為堰河宋本無河字通淮古疑作古淮

口咸曰金隄靈帝建寧中又增修石門以遏淮口水

盛則通注津耗則輟流御覽作自汴河口以東緣河積石為堰通淮曰金隄

河水又東北逕卷之扈亭北

春秋左傳曰文公七年晉趙盾與諸侯盟於扈竹書

紀年晉出公二十二年河絕於扈即於是也

河水又東逕八激隄北

漢安帝永初七年令謁者太山于岑於石門東積石

按金堤自滎陽至千乘海口計數百里歷代修築以禦河

扈杜注鄭地滎陽卷縣西北有扈亭今在懷慶府原武縣西北

卷縣今原武縣

武德縣故城在懷慶府城東南五十里

酸棗縣今衛輝府延津縣地

八所皆如小山以捍衝波謂之八激隄

河水又東逕卷縣北
晉楚之戰晉軍爭濟舟中之指可掬楚莊祀河告成而還即是處也

河水又東北逕赤岸固北而東北注之又東北過武德縣東沁水從之

河水自武德縣漢獻帝延康元年封曹叡為國即魏明帝也

東至酸棗縣西濮水東出焉

漢興三十有九年孝文時河決酸棗東潰金隄大發卒塞之故班固云文堙棗野武作瓠歌謂斷此口也

今無水

河水又東北通謂之延津

延津一名靈昌津在衛輝府滑縣境

石勒之襲劉曜途出於此以河冰泮為神靈之助號是處為靈昌津昔澹臺子羽齎千金之璧渡河陽侯波起兩蛟挾舟子羽曰吾可以義求不可以威劫操劍斬蛟蛟死波休乃投璧於河三投而輒躍出乃毀璧而去示無恠意趙建武中造浮橋於津上採石為中濟石無大小下輒流去用功百萬經年不就石虎親閱作工沈璧於河明日璧流渚上波蕩上岸遂斬匠而還

河水又東逕燕縣故城北則有濟水自北來注之

棘津在衛輝府
汲縣南七里
東燕縣故城在
衛輝府城東

淇水在衛輝府
淇縣西北三十
里

廩延杜注鄭邑
陳留酸棗縣北
有延津即今衛
輝府延津縣延
津城故址在府
城南

平陽城在衛輝
府滑縣東南

河水於是有棘津之名亦謂之濟津故南津也春秋
僖公二十一年晉將伐曹曹在縣東假道於衛衛人
不許還自南河即此濟也宋本作濟即此也左傳作
二十八亦作還自南河
濟河水於是亦有棘津之名晉伐陸渾亦於此渡宋
元嘉中遣輔國將軍蕭斌率寧朔將軍王元謨北入
宣威將軍桓護之以水軍守石濟即此處也

河水又東淇水入焉又東逕遮害亭南

漢書溝洫志曰在淇水口東十八里有金隄隄高一
丈自淇口東地稍下隄稍高至遮害亭四五丈又有
宿胥口舊河水北入也

河水又東右逕滑臺城

有三重中小城謂之滑臺城舊傳滑臺人自修築此
城因以名焉城即故鄭廩延邑也下有延津春秋傳
曰孔悝為蒯瞶所逐載伯姬於平陽行於延津是也
廩延南故城即衛之平陽亭也今時人謂此津為延
壽津宋元嘉中右軍到彥之留建威將軍朱修之守
此城魏軍南伐修之執節不下其母悲憂一旦乳汁
驚出母乃號踊告家人曰我年老非有乳時今忽如
此吾兒必沒矣修之絕援果以其日陷沒城故東郡
治續漢書曰延熹九年濟陰東郡濟北平源河水清
襄楷上疏曰襄楷詳
後漢書春秋注記未有河清而今有之
易乾鑿度曰上天將降嘉應河水先清京房易傳曰

黎陽縣今衛輝府濟縣地其故城在縣西二里

河水清天下平天垂翼地吐妖民厲疾三者並作而有河清春秋麟不當見而見孔子書以為異河者諸侯之相宋本作象清者陽明之徵豈獨諸侯有窺京師也明年官車晏駕徵解瀆侯為漢嗣是為靈帝建寧四年二月河水又清也

又東北過黎陽縣南

黎侯國也詩式微黎侯寓於衛是也晉灼曰黎山在其南河水逕其東其山上碑云縣取山之名取水之陽以為名也王莽之魏丞也今黎山之東北故城蓋黎陽縣之故城也山在城西馮山為基東咀為河故劉楨黎陽山賦曰南蔭黃河左覆金城青壇承祀

高碑頌靈昔慕容元明自鄴率眾南徙滑臺既無舟楫將保黎陽昏而流澌冰合於夜中濟訖旦而冰泮燕民謂是處為天橋津東岸有故城嶮帶長河戴延之謂之逮明壘周二十里言逮明石勒十八騎中城因名焉郭緣生曰城袁紹時築皆非也余按竹書紀年梁惠成王十三年鄭釐侯使許息來致地平邱戶牖首垣諸邑及鄭馳地我取枳道與鄭鹿鄭鹿即是城也今城內有故臺尚謂之鹿鳴臺又謂之鹿鳴城王元謨自滑臺走鹿鳴者也濟取名焉故亦曰鹿鳴津又曰白馬濟津之東南有白馬城衛文公東徙渡河都之故濟取名焉袁紹遣顏良攻東郡太守劉延

白馬濟人呼白馬津在滑縣境

白馬縣故城在滑縣治南

於白馬關羽為曹公斬良以報効即此處是也白馬有韋鄉韋城故津亦有韋津之稱史記所謂修武下武渡韋津者也河水舊於白馬縣南洑當作通濮濟黃溝故蘇代說燕曰洩白馬之口魏無黃濟陽竹書紀年梁惠成王十二年楚師洩河水以水長垣之外者也金隄既建故渠水斷尚謂之白馬瀆故瀆東逕鹿鳴城南又東北逕白馬縣之涼城北者舊傳云者舊二字疑衍東郡白馬縣之神馬亭實中層峙南北二百步東西五十許步狀邱斬城也自外耕耘墾斫削落平盡正南有陟躔陞上方軌是由西南側城有神馬寺樹木修整西去白馬津可二十許里東南距白馬

白馬山在滑縣黎陽津在馬郡食其所謂守白馬之津即此山在滑縣東北一十四里

濮陽縣今滑縣地

縣故城可五十里疑即開山圖之所謂白馬山也山下常有白馬羣行悲鳴則河洩馳走則山崩注云山在鄭故此鄭也所未詳劉澂之云有白馬塞孟達登之長歎可謂於川土疎妄矣亭上舊曰置源城縣治此白馬瀆又東南逕濮陽縣散入濮水所在洩會爰相通注以成往復也

河水自津東北逕涼城縣

河北有般祠孟氏記云祠在河中積石為基河水漲盛恒與水齊戴氏西征記曰今見祠在東岸臨河累石為壁其屋宇容身而已殊似無靈不如孟氏所記將恐言之過也

頓邱郡治今直隸大名府開州地頓邱縣故城在府屬清豐縣西南二十五里

王莽河一名毛河在大名府元城縣境

戚城在開州城北七里

河水又東北逕伍子胥廟南

祠在北岸頓邱郡界臨側長河廟前有碑魏青龍三年立

河水又東北為長壽津

述征記曰涼城到長壽津六十里河之故瀆出焉漢書溝洫志曰河之為中國害尤甚故導河自積石厯龍門二渠以引河一則漯川則今所流也一則北瀆王莽時空塞一作故世俗名是瀆為王莽河也

故瀆東北逕戚城西

春秋哀公二年晉趙鞅率師納衛太子蒯聩於戚寧迷陽虎曰右河而南必至焉今頓邱衛國縣西戚寧

是也為衛之河上邑漢高帝十二年封將軍李必為侯國矣

故瀆又逕繁陽縣故城東

史記趙將廉頗伐魏取繁陽者也

北逕陰安縣故城西

漢武帝元朔五年封衛不疑為侯國

故瀆又東北逕昌樂縣故城東

地理志東郡之屬縣也漢宣帝封王稚君為侯國

故瀆又東北逕平邑郭西

竹書紀年晉烈公四年趙城平邑五年田去子居思伐趙鄙圍平邑十年齊田汾及邾鄆韓舉戰於平邑

繁陽縣故城在河南彰德府內黃縣東六十里

昌樂縣今大名府南樂縣地其故城在縣境內

平邑城在南樂縣東北七里

元城縣今大名府附郭首縣五鹿杜注衛地今名五鹿墟在大名府城東

沙鹿杜注山名平陽元城縣東有沙鹿土山今沙鹿山在元城縣東四十五里其西有沙鹿城

邯鄲之帥敗遂獲韓舉取平邑新城

又東北逕元城縣故城西北而至沙邱堰

史記曰魏武侯公子元食邑於此故縣氏焉此出漢地志應

劬注非史記也疑字誤郭東有五鹿墟墟之在左右多陷城公

羊曰襲邑也說曰襲陷矣郡國志曰五鹿墟故沙鹿

有沙亭周穆王喪盛姬東征舍於五鹿其女叔姓居

此思哭是曰女姓之邱為沙鹿之異名也春秋左傳

僖公十四年沙鹿崩晉史卜之曰陰為陽雄土火相

乘故有沙鹿崩後六百四十五年宜有聖女興其齊

田乎後王翁孺自齊徙元城正直其地日月當之王

氏為舜後土也漢火也王禁生政君其母夢見月入

懷年十八詔入太子宫生成帝為元后漢祚道治宋本

作道四世稱制故曰火土相乘而為雄也及崩大夫

揚雄作誄曰太陰之精沙鹿之靈作合於漢配元生

成者也獻帝建安中袁紹與曹操相襲於官渡紹逼

大司農鄭元載病隨軍居此而卒郡守已下受業者

衰經赴者千餘人元注五經讖緯候歷天文經通於

世故范氏贊曰孔書遂明漢章中輟矣縣北有沙邱

堰者不遵其道曰降亦曰潰堰障水也

至於大陸北播於九河

風俗通曰河播也播為九河自此始也禹貢兗州九

河既道矣謂徒駭太史馬頰覆釜胡蘇簡潔勾盤禹

官渡俗呼官渡口有曹公臺在開封府中牟縣界

九河故道新舊志載或久汙塞或淪於海尚有徒駭禹津勾盤

覆釜馬頰數河
舊瀆在山東濟
南府武定府界
遺址僅存永懷
禹跡

金堤在大名府
上接清豐縣下
入樂縣界

屯氏河在山東
東昌府館陶縣
西二里

發于縣故城在
東昌府堂邑縣
西南五十里

貝邱杜注齊地
樂安博昌縣南
有地名貝邱今
山東青州府博
興縣南有貝中
聚

秦曆縣東漢甘
陵縣今直隸廣
平府清河縣地
其故城在縣西
北

津也同為逆河鄭元曰下尾合曰逆河言相承受矣
蓋所潤下之勢以通河海及齊桓霸世塞廣田居同
為一河尚書中候云齊桓之霸遏八流以自廣故自堰以北館陶瘦陶
貝邱鬲般廣川信都東光河間樂成以東城地並存
川瀆多亡漢世河浚金隄南北離其害議者常欲求
九河故迹而川之未知其所是以班固云自茲距漢
北亡八枝者也吳本作北三八枝朱謀璋據漢書改作北亡八枝
河之故瀆自沙邱堰南分屯氏河出馬河水故瀆東北
逕發于縣北城西又屈逕其北
王莽之所謂戢楯矣漢武帝以大將軍衛青破左賢
王功封其子登為侯國

大河故瀆又東逕貝邱縣故城南

應劭曰左氏齊襄公田於貝邱是也余按京相璠杜
預並言在博昌即司馬彪郡國志所謂貝中聚者也
應注於此事近違矣

大河故瀆又東逕甘陵縣故城南

地理志之所謂厓也王莽改曰厓治者也漢安帝父
孝德皇以太子被廢為王薨於此乃葬其地尊陵曰
甘陵桓帝建和元年改曰甘陵縣亦取名焉是周之
甘泉市地也陵在瀆北邱墳高巨雖中經發壞猶若
層陵矣世謂之唐侯家城曰邑城皆非也昔南陽文
叔良以建安中為甘陵丞夜宿水側趙人蘭襄夢求

靈縣故城在東昌府博平縣西北三十里
鳴犢河在府屬高唐州南三十里
創縣今山東直隸州臨清州屬夏津縣地其故城在縣界內

改葬叔良明循水求棺果於水側得棺半許落水叔良顧親舊曰若聞人傳此吾必以為不然遂為移殯醜而去之大河故瀆又東逕艾亭城南又東北逕平晉城南今城中有浮圖五層上有金露盤題云趙建武八年比釋道龍和上竺浮圖澄樹德勸化與立神廟浮圖已壞露盤尚存煒煒有光明大河故瀆又東北逕靈縣故城南王莽之播亭也河瀆於縣別出為鳴犢河河水故瀆又東逕鄒縣故城東呂后四年以父嬰功封子佗龍為侯國王莽更之曰善陸
大河故瀆又東逕平原縣故城西而北絕屯氏三瀆北逕繹幕縣故城東北西流逕平原鬲縣故城西

平原縣今濟南府屬縣又府屬德州亦其地繹幕縣故城在平原縣西北二十里
鬲縣今濟南府德平縣地其故城在德州境安陵縣今濟南府陵縣地修縣故城在直隸河間府景州城內
館陶縣今東昌府屬縣

地理志曰鬲津也王莽名之曰河平亭故有窮后國也應劭曰鬲偃姓咎繇後光武建武十三年封建議將軍朱祐為侯國

大河故瀆又北逕修縣故城東又北逕安陵縣西本修之安陵鄉也地理志風俗記曰修縣東四十里有安陵縣故縣也又東北至東光縣故城西而北與漳水合一水分

大河故瀆北出為屯氏河逕館陶縣東東北出漢書溝洫志曰自塞宣防河復北浚於館陶縣分為屯氏河廣深與大河等成帝之世河浚館陶及東郡金隄上使河隄謁者王延世塞之二十日隄成

前漢志作

信城縣今廣平府清河縣地

廣宗縣今直隸順德府屬縣

三十詔以建始五年為河平元年以延世為光祿大夫是水亦斷屯氏故瀆水之又東北屯氏別河出焉屯氏別河故瀆又東北逕信城縣張甲出焉地理志曰張甲河及瀆首受屯氏別河於信城縣者也張甲河及瀆北絕一本絕下河於廣宗縣清分為二瀆左瀆逕廣宗縣故城西又北逕建始縣故城東田融云趙武帝三字有誤二十二年立建興治廣宗置建始興德五縣隸焉

左瀆又北逕經城東繚城西又逕南宮縣西北注絳瀆右瀆又東北逕廣宗縣故城南又東北逕界城亭北又東北逕長樂郡武彊縣故城東

南宮縣今直隸省直隸州冀州屬縣

武彊縣今直隸省直隸州深州屬縣

長樂故信都也晉太康五年改從今名

又東北逕廣川縣與水故道合又東北逕廣川縣故城西又東逕棘津亭南

廣川縣今冀州棗強縣地經文棘津亭今棘津故城在棗強縣境

廣川縣故城在直隸河間府屬景州西南

注引棘津杜注津名亦謂之石濟津故南津也在河南衛輝府之北

徐廣曰棘津在廣川司馬彪曰縣北有棘津城呂尚賣食之困疑在此也劉澂之云譙郡鄆縣東北有棘津亭故邑也呂尚所困處也余按春秋左傳伐巢克棘入州來無津字杜預春秋釋地又言棘亭在鄆縣東北亦不云有津字矣而竟不知澂之於何而得是說然天下以棘為名者多未可咸謂之棘津也又春秋昭公十四年晉侯使荀吳帥師涉自棘津用牲於洛遂滅陸渾杜預釋地闕而不書服虔曰棘津猶孟

修縣今河間府景州地

津也徐廣晉紀又言石勒自葛陂寇河北襲汲入向水於方頭濟自棘棘津在東郡河內之間田融以為即石濟南津也雖千古茫味理世元遠遺文逸句容或可尋泐途隱顯方土可驗司馬遷云呂望東海上人也老而無遇以釣于當作干周文王又脫一字呂望行年五十賣食棘津七十則屠牛朝歌行年九十身為帝師皇甫士安云欲隱東海之濱聞文王善養老故入釣于周今汲水城亦言有呂望隱居處起自東海訖於豐雍綠其逕趣趙魏為密曆之譙宋事為疏矣張甲故濟又東北至修縣東會清河十三州志曰張甲河東北至修縣入清漳者也

屯氏別河東枝津出焉東逕信成城南又東逕清陽縣故城南清河郡北

魏自清陽徙置也

又東北逕陵鄉南又東北逕東武城縣故城南又東北逕東陽縣故城南

地理志曰王莽更之曰胥陵矣俗人謂之高黎郭非也應劭曰東武城東北三十里有陽鄉故縣也又東散絕無復津逕

屯氏別瀆又東北逕清河郡南又東北逕清河故城西

漢高六年封王吸為侯國漢功臣表高帝六年封王吸為清河侯吳本作王及誤地理風俗志曰甘陵郡東南十七里有清河故城

漢東武城縣今臨清州屬武城縣地

漢清河郡治所今東昌府恩縣地

安陵縣今濟南府陵縣地

者世謂之鵲城也又東北經繹幕縣南分為二瀆
屯氏別河北瀆東逕繹幕縣故城南東邑大河故瀆又
東北逕平原縣枝津北出至安陵縣遂絕
屯氏別河北瀆又東北逕重平縣故城南

重平縣今濟南府德平縣地

應劭曰重合縣西南八十里重平鄉故縣也又東
北逕重合縣故城南又東北逕定縣故城南漢武帝

直隸天津府屬定縣故城饒安縣故城俱在天

元朔四年封齊孝王子劉成為侯國地理風俗記曰
饒安縣東南三十里有定鄉城故縣也

陽信縣今山東武定府屬縣

屯氏別河北瀆又東入陽信縣今無水又東為咸河東
北流逕陽信縣故城北
地理志渤海之屬縣也東注於海

陽信縣今山東武定府屬縣

屯氏別河南瀆自平原東絕大河故瀆又逕平原縣故
城北東北枝津又出東北至安德縣界東會商可屯氏

別河

南瀆又東北於平原界又有枝渠右出至安德縣遂絕

按上下文屯氏別河南瀆當相續

屯氏別河南瀆自平原城北首受大河故瀆東出亦通
謂之篤馬河

即地理志所謂平原縣有篤馬河東北入海五百六
十里者也

東北逕安德縣故城西又東北逕臨齊城南

始東齊未賓大魏築城以臨之故城得其名也

臨齊城今濟南府陵縣地

安德縣今濟南府德州又陵縣地其故城在州界

重邱縣故城在
東昌府附郭首
邑聊城縣東南
跨府屬莊平縣
界

西平昌縣今濟
南府德平縣地

又屈逕其城東故瀆廣四十步又東北逕重邱縣故城

春秋襄公二十五年秋同盟重邱伐齊故也應劭曰
安德縣北五十里有重邱鄉故縣也

又東北逕西平昌縣故城北

北海有平昌縣故加西漢宣帝元康元年封王長君
為侯國故渠川派東入般縣為般河蓋亦九河之一
道也漢書稱公孫瓚破黃巾於般河即此瀆也又東
為白鹿淵水南北三百步東西千餘步深三丈餘其
水冬清而夏濁渟而不流若夏水洪汎水深五丈方
乃通注般瀆

又逕般縣故城北

王莽更之曰分明也

東逕樂陵縣故城北

地理志曰故都尉治伏瑛晏謨言平原邑今分為郡

又東北逕陽信縣故城南東北入海

屯氏河故瀆自別河東逕甘陵之信鄉縣故城南

地理志曰順帝更名安平應劭曰甘陵西北十七里
有信鄉故縣也

屯氏故瀆又東逕甘陵縣故城北逕靈縣北又東北逕
郟縣與鳴犢河故瀆合上承大河故瀆於靈縣南
地理志曰河水自靈縣別出為鳴犢河者也

樂陵縣今武定
府屬縣

甘陵縣今廣平
府清河縣地

按鳴犢河在東
昌府高唐州南
三十五里孔子
將西見趙簡子
及河而返即此
餘詳見前

衛國縣今山東
曹州府觀城縣

濮陽縣故城在
大名府開州治
西南
瓠子口在開州
城西南二十五
里
鐵邱今名王合

東北逕靈縣東入鄒縣而北合屯氏瀆

屯氏瀆兼鳴犢之稱也又東逕鄒縣城北東北合大
河故瀆謂之口十三州志曰鳴犢河東北至修入屯
氏考瀆則不至也

又東北右過衛國縣南又東北過濮陽縣北瓠子河出
焉河水東逕鐵邱南

春秋左氏傳哀公二年鄭罕達帥師郵無邱御簡子
衛太子為右登鐵邱望見鄭師衛太子自投車下即
此處也京相璠曰鐵邱名也杜預曰在戚南河之北
岸有目城後漢志作聶城城戚邑也有子路冢河之西岸有
竿城舊本在河之有竿城吳作郡國志曰衛縣有竿

河水又東北逕范縣之秦亭西

春秋經書築臺於秦者也

河水又東北逕委粟津

大河之北即東武陽縣也

左會浮水故瀆

故瀆上承大河於頓邱縣而北出東逕繁陽故城南
故應劭曰縣在繁水之陽張晏曰縣有繁淵春秋襄
公二十年經書公與晉侯齊侯盟於澶淵杜預曰在
頓邱縣南今名繁淵澶淵即繁淵也亦謂之浮水焉
昔魏徙大梁趙以中牟易魏故志曰趙南至浮水繁
陽即是瀆也

范縣今曹州府
屬縣

東武陽縣今曹
州府鄆城縣北

繁水在大名府
南樂縣西北三
十五里在彰德
府內黃縣東二
十六里澶水在
大名府西南四
十五里至古繁
水城謂之繁泉

故瀆東絕大河故瀆東逕五鹿之野

晉文公受塊於野人即此處矣京相璠曰今衛國縣西北三十里有五鹿地今屬頓邱縣

浮水故瀆又東南逕國邑

城北故衛公國也漢光武以封周後也

又東逕衛國縣故城南古斟觀

應劭曰夏有觀扈即此城也竹書紀年梁惠成王二

年齊田壽率師伐趙圍觀觀降左傳曰夏有觀扈謂五觀及有扈也

浮水故瀆又東逕河牧城而東北出

郡國志曰衛故觀國姚姓有河牧城

又東北入東武陽縣東入河又有漯水出焉

衛國縣今觀城縣地見前

里在開州北五

里

威城在開州北

七里

仲子路夫子墓

在開州北

城者也河南有龍淵宮武帝元光中河波濮陽汜郡

十六發卒十萬人塞波河起龍淵宮蓋武帝起宮於

波河之旁龍淵之側故曰龍淵宮也

河水東北流而逕濮陽縣北為濮陽津

故城在南與衛縣分水城北十里有瓠河口有金隄

宣房堰粵在漢世河波金隄涿郡王遵自益州刺史

遷東郡太守河水盛溢汎浸瓠子金隄波壞遵躬率

民吏投沈白馬祈水神河伯親執圭璧請身填隄廬

居其上吏民皆走遵立不動而水波齊足而止公私

壯其勇節

河水又東北逕衛國縣南東為郭口津河水又東逕鄆

郵城縣今曹州府屬濮州地

城縣北一作國名

故城在河南一十八里王莽之郵良也沈州舊治魏武創業始自於此河上之邑最為峻固晉八王故事曰東海王越治郵城城無故自壞七十餘丈越惡之移治濮陽城南有魏使持節征西將軍太尉方城侯鄧艾廟廟南有艾碑秦建元十二年廣武將軍沈州刺史關內侯安定彭超立河之南岸有新城宋寧朔將軍王元謨前鋒入河所築也北岸有新臺鴻基層廣高數丈衛宣公所築新臺矣詩齊姜所賦也為廬關津臺東有小城崎嶇頽側臺枕河俗謂之底閣城疑故關津都尉治也所未詳矣

漯水源發朝城縣流經聊城等縣

戴延之謂之武陽也地理志曰漯水出東郡武陽縣今漯水上承河水於武陽縣東南西北逕武陽新城東曹操為東郡所治也引水自東門石竇北注於堂池池南故基尚存中城內又立一石甚大城西門名冰井門門內曲中冰井猶存門外有故臺號武陽臺市臺亦有隅雉遺迹

河水又東逕武陽縣東范縣西而東北流也又東北過東阿縣北河水於范縣東北流為倉亭津

述征記曰倉亭津在范縣界去東阿六十里魏土地記曰津在武陽縣東北七十里津河濟名也

河水又歷柯澤

東阿縣今山東泰安府屬縣

柯澤即阿澤杜
注齊北東阿縣
西南有大澤

在平縣今東昌
府屬縣

在平縣故城在
東昌府城東五
十五里在山下

柳城一名媯城
世傳女媯氏都
此在河南陳州
府西華縣南

阿膠井在山東
兗州府陽穀縣
東北六十里地
舊隸東阿縣故
名從阿

春秋左傳襄公十四年衛孫文子敗公徒於柯澤者
也今左傳作阿澤

逕東阿縣故城西而東北出流注此下疑有鄧里渠三字

河水枝津東出謂之鄧里渠也

又東北過在平縣西河自鄧里渠東北逕昌鄉亭北逕

碣磔城西

述征記曰碣磔當作碣磔津名也自黃河泛舟而渡者皆

為津也其城臨水西南崩於河宋元嘉二十七年以

王元謨為寧朔將軍前鋒入河平碣磔守之都督劉

義恭以沙城不堪守召元謨令毀城而還後登城之

魏主濟州治此也玉海引此作後更城之魏置鎮守名濟州關河水衝其

西南隅又崩於河即故在平縣也應劭曰在山名也

縣在山之平陸故曰在平也王莽之功崇矣經曰大

河在其西鄧里渠歷其東即斯邑也昔石勒之隸師

權屯耕於在平聞鼓角鞞鐸之聲於是縣也十六國春秋云

石勒年二十餘為并州刺史司馬騰所執枷送冀州賣克軍賞東至平原賣與在平人師權為奴每屯耕

於野常聞鞞鐸音勒以告諸奴諸奴亦聞之而與柳城分河

河水又與鄧里渠水上承大河於東阿縣西東逕東阿

縣故城北

故衛邑也應仲瑗曰有西故稱東魏封曹雄為侯國

按魏志曹植自雍即王徙封東阿大城北門內西側

阜上有大井其巨若輪深六七丈歲嘗煮膠以貢天

臨邑縣今濟南府屬縣

府本草所謂阿膠也故世俗有阿井之名縣出佳繒
縑故史記云秦昭王服太阿之劍阿縞之衣也

又東北逕臨邑縣與將渠合又北逕在平縣東臨邑縣
故城西北流入於河河水又東北流逕四瀆津

津西側岸臨河有四瀆祠東對四瀆口河水東分濟
亦曰沛水受河也然滎口水右斷門不通始自是出

東北流逕九里與清水合故沛瀆也自河入濟自沛
入淮自淮達江水徑周通故有四瀆之名也昔趙殺

鳴犢鳴犢國語作鳴犢仲尼臨河而歎自是而返曰邱之

不濟命也夫琴操以為孔子臨狄水而歌云狄水衍

兮風揚波船楫顛倒更相加余按臨濟故狄也是濟

所逕也得其通稱河水又逕楊墟縣之故城東俗猶
謂是城曰陽城矣河水又逕在平城東城內有故臺
世謂之時平城非也蓋在時音相近耳疑縣徙也竟陵本無此四字

又東北過高唐縣界

河水於縣漯水注之水自城東北逕東武陽縣故城

南應劭曰縣在武水之陽王莽之武昌也然則漯水

亦或武水也臧洪為東郡太守治此曹操圍張超於

雍邱洪以情義請袁紹救之不許洪與紹絕紹圍洪

城中無食洪呼吏士曰洪於大義不得不死諸君無

事空受此禍衆泣曰何忍捨明府也男女八千餘人

高唐縣今東昌府高唐州地

東武陽縣今曹州府朝城縣地

陽平縣故城在
東昌府城西南
六十里
剛城在曹州府
定陶縣東北
莘亭縣址在東
昌府屬莘縣北

樂平縣今莘縣
地其故城在府

屬堂邑縣東南
三十里

縣城縣東昌府
附郭首縣其故
城在府城西北
一十五里

清河縣今東昌
府恩縣地

相枕而死洪不屈紹殺洪邑人陳容為丞謂曰寧與
臧洪同日死不與將軍同日生紹又殺之士為傷歎
今城四周紹圍郭尚存水而隍壑於城東北合為一
瀆東北出郭逕陽平縣之岡城西郡國志曰陽平縣
有岡城亭逕陽平縣故城東漢昭帝元平元年封丞
相蔡義為侯國漂水又北絕莘道城之西北有莘亭
春秋桓公十年衛宣公使伋使諸齊令盜待於莘伋
壽繼殞於此亭京相璠曰今平陽陽平縣北一十里
有故莘亭道阨限蹊要自衛適齊之道也望新臺於
河上感二子於宿齡詩人乘舟誠可悲矣今縣東有
二子廟猶謂之孝祠矣漂水又東北逕樂平縣故城

東縣故清也漢高帝八年封空中於清

史記年表云清簡侯空中

漢功臣表作室中徐廣云一作室中素隱云室中姓也

宣帝封許廣少弟翁孫

於樂平並為侯國王莽之清治矣漢章帝建始中更
從今名也漂水又北逕聊城縣故城西城內有金城
周市有水南門有馳道絕水南出自外泛舟而行矣
東門側有層臺秀出魯仲連所謂還高唐之兵卻聊
城之衆者也

漂水又東北逕清河縣故城北

地理風俗記曰甘陵故清河清河在南一十七里今
於甘陵縣故城東南無城以擬之直東二十里有艾
亭城東南四十里有此城疑即清河城也後蠻居之

博平縣今東昌府屬縣

攝城在博平縣西南二十里

故世稱蠻城也

漂水又東北逕文鄉城東南又東北逕博平縣

故城內有層臺秀上王莽改之曰加睦也

右與黃溝同注川澤

黃溝承聊城郭水水泛則津注水耗則輟流自城東北出逕清河城南又東北逕攝城北春秋所謂聊攝以東也俗稱郭城非也城東西三里南北二里東西隅有金城城卑下墟郭尚存左右多墳隴京相璠曰聊城縣東北三十里有故攝城今此城西去聊城二十五六里許即攝城者也又東逕文鄉城又東南逕王城北

後魏平原郡今東昌府聊城縣地

魏太常七年安平王鎮平原所築世謂之王城太和

二十三年罷鎮立平原郡治此城也

黃溝又東北逕左與漂水隱覆勢鎮河陸東出於高唐

縣大河右迤東注漂水矣

桑欽地理志曰漂水出高唐余按竹書穆天子傳稱

丁卯天子自五鹿東征釣於漂水以祭淑人是曰祭

邱已巳天子東征食馬於漂水之上尋其泐歷逕趣

不得近出高唐也桑氏所言蓋津流出次於所間也

俗以是水上承於河亦謂之源河矣

漂水又東北逕援縣故城西

王莽之東順亭也杜預釋地曰濟南祝阿縣西北有

祝阿縣今濟南府齊河縣又禹城縣地

援城

漯水又逕高唐縣故城東

昔齊威王使盼子守高唐趙人不敢鮫於河即魯仲連子謂田巴曰今楚軍南陽趙伐高唐者也春秋左傳哀公十年趙鞅帥師伐齊取黎及轅毀高唐之郭杜預曰轅即援也祝阿縣西北有高唐城

漯水又東北逕漯陰縣故城北

縣故黎邑也漢武帝元光三年封匈奴降王王莽更名翼成厯北漯陰城南伏瑛謂之漯陽城南有魏沈州刺史劉岱碑地理風俗記曰平原漯陰縣今巨漯亭是也

犁杜注一名隰濟南府臨邑縣西有漯陰縣或曰齊大夫隰氏之采邑

轅杜注祝阿縣西有轅城漢置瑛縣屬平原郡今濟南府禹城縣西北有瑛城

善縣今濟南府濟陽縣地

崔杜注濟南東朝陽縣西北有崔氏城今濟南府章邱縣西北二十五里俗呼焉古城

伏生墓在濟南府鄒平縣東北一十里

漯水又東北逕著縣故城南又東北逕崔氏城北

春秋左傳襄公二十七年崔成請老崔氏者也杜預釋地曰濟南東朝陽縣西北有崔氏城

漯水東南逕東朝陽縣故城南

漢高帝六年封都尉華寄為侯國地理風俗記曰南陽有朝陽縣故加東地理志曰王莽之修治也

漯水又東逕漢徵君伏生墓南

碑碣尚存以明經為秦博士秦坑儒士伏生隱焉漢興教於齊魯之間文帝撰五經尚書大傳安車徵之年老不行乃使掌故歐陽生等受尚書於徵君號曰伏生者也

漯水又東逕鄒平縣故城北

有鄒侯國舜後姚姓也

又東北逕界東鄒城北

地理志曰千乘郡有東鄒縣

漯水又東北逕建信縣故城北

漢高帝七年封婁敬為侯國應劭曰臨沛縣西北五

十里有建信侯城都尉治故城者也

漯水又東北逕千乘縣二城間

漢高帝六年以為千乘郡王莽之建信也章帝建初

四年為王國和帝永元七年改為樂安郡故齊也伏

琰曰千乘城齊城西北一百五十里隔會水即漯水

東鄒縣今山東武定府青城縣地
建信縣今青州府高苑縣地

樂安郡故城在臨濟鎮東八十里本漢千乘郡治今武定府濱川境

之別名也

又東北為馬常坑

玉篇有坑字而勇切云地名也按此注里數則坑是藪澤之名

坑東西八十里南北三十里亂河枝流而入於海河

海之饒茲焉為最地理風俗記曰漯水東北至千乘

入海河盛則通津委海水耗則微涓絕流書浮于濟

漯亦是水者也

又東北逕楊墟縣東商河出焉

地理志曰楊虛平原之隸縣也漢景帝四年以封齊

悼惠王子將廬為侯國也城在高唐城之西南經次

於此是不北也商河首受河亦漯水及澤水所潭水

也淵而不流世謂之清水自此雖沙漲填塞厥迹尚

商河縣今武定府屬縣商河在縣南山東通志載漢許商所開因名

平原縣今濟南府屬縣

安德縣今濟南府屬縣其故城在府屬德州境

平昌縣今濟南府屬平縣地

般陽縣今濟南府淄川縣地

樂陵縣今武定府屬縣

張縣今順德府任縣地

富平縣今武定府樂陵縣地
厭次縣故城在陵縣東北二十里

存歷澤而北俗謂之落里坑逕張公城西又北重源
潛發世謂之落里坑亦曰小漳河商漳聲相近故字
與讀移耳

商河又北逕平原縣東又逕安德縣故城南又東北逕
昌平縣故城南又東逕般縣故城南又東逕樂陵縣故
城南

漢宣帝地節四年封侍中史子長為侯國

商河又東逕初鄉縣故城南

高后八年封齊悼惠王子劉辟光為侯國也王莽更
之曰張鄉也應劭曰般縣東南六十里有初鄉城故
縣也

沙溝水注之

水南出大河之陽泉源之不合河者二百步其水北
流注商河

商河又東北流逕馬嶺城西北而流屈而東注南轉逕
城東

城在河曲之中東海王越斬汲桑於是城

商河又東北逕富平縣故城北

地理志曰侯國也王莽曰安樂亭應劭曰明帝更名
闕駟曰厭次縣本富平矣車騎將軍張安世之封邑
非也按漢書昭帝元鳳六年封右將軍張安世為富
平侯薨子延壽嗣國在陳留別邑魏郡陳留風俗傳

東方朔冢在陵
縣東北二十二
里

蒲臺縣今武定
府屬縣

曰陳留尉氏縣安陵鄉故富平縣也是乃安世所食
矣歲入租千餘萬延壽自以身無功德何堪久居先
人大國上書減戶天子以為有讓徙封平原并食一
邑戶口如故而稅減半十三州志曰明帝永平五年
改曰厭次矣按史記高祖功臣侯者年表高帝六年
封元頃為侯國徐廣音義曰漢書作侯爰類舊本有
一字字
是知厭次舊名非始明帝蓋復故耳縣西有東方朔
冢側有祠祠有神驗水側有雲城漢武帝元封四年
封齊孝王子劉信為侯國也

商河又分為二水南水謂之長聚溝

東流傾注為海溝南海側有蒲臺臺高八丈方二百

步三齊略記曰鬲城東南有蒲臺秦始皇東遊海上
於臺下蟠蒲繫馬至今歲蒲生縈委若有繫狀似水
楊可以為箭今東去海三十里

北水世謂之白薄瀆

東北流注於海水矣

大河又東北逕高唐縣故城西

春秋左傳襄公十九年齊靈公廢太子光而立公子
牙以夙沙衛為少傅齊侯卒崔杼逆光光立殺公子
牙於句瀆之邱衛奔高唐以叛京相璠曰本平原縣
也齊之西鄙也大河逕其西而不出其東經言出東
誤耳

高唐縣故城在
濟南府禹城縣
北四十里

漢平原郡平原
縣今濟南府平
原縣地

大河又北逕張公城臨側河湄

魏青州刺史張治此故世謂之張公城水有津焉名
之曰張公渡

河水又北逕平原縣故城東

地理風俗記曰原博平也故曰平原矣縣故平原郡
治矣漢高帝六年置王莽改曰河平也晉灼曰齊西
有平原河河水北過高唐縣即平原也故經言河水
逕高唐縣東非也按地理志曰高唐平原也高唐漯
水所出平原則篤馬河導焉明平原非高唐大河不
得出其東審矣

大河右溢世謂之甘棗溝

水側多棗故俗取名焉河盛則委汎水耗則輟流

故瀆又東北歷長隄逕溫陰宋本作縣北

東逕著城北東為陂淀淵潭相接世謂之穢野薄

河水又東北逕陽阿縣故城西

漢高帝六年封郎中萬訢為侯國應劭曰溫陰縣東

南五十里有陽阿鄉故縣也溫陰宋本作

又東北過漯陰縣北河水自平原左逕安德城東而北

為鹿角津東北逕般縣樂陵初鄉厭次縣故南厭次河

漢安帝永初二年劇賊畢毫等數百乘船寇平原縣

令劉雄門下小吏所輔浮舟追至厭次津與賊合戰

並為賊擒求代雄毫縱雄於此津所輔可謂孝盡愛

漯陰縣今濟南
府臨邑縣地
著縣故址在濟
南府濟陽縣境

厭次縣今武定
府附郭首邑惠
民縣又陽信縣
地其故城在濟
南府陵縣東北
二十里

劇縣故城人呼
劇南城在青州
府壽光縣西南

敬義極君臣矣

河水又逕涑陰縣故城北一作右逕

王莽之臣武縣也

河水又東北為涑沃津涑沃誤漢志千乘郡有涑沃縣

涑沃縣故城南王莽之延亭者也地理風俗記曰千

乘縣西北五十里有大河河北有涑沃城故縣也魏

改為後部亭今俗遂名之曰右輔城

河水又東逕千乘城北

伏瑛之所謂千乘北城者也

又東北過黎城縣北又東北過甲下邑濟水從西來注

之又東北入於海

涑沃縣今武定府蒲臺縣諸縣地

千乘郡北城今武定府濱州地濱海

河水又東分為二水枝津東逕甲下城南東南歷常沈

注濟按上文有馬常坑此沈字疑當作坑

經言濟水注河水自枝津東北流逕甲下邑北世謂

之倉子城非也又東北流入於海淮南子曰九折注

為海而流不絕者崑崙之輸也尚書禹貢曰夾右碣

石入於河山海經曰碣石之山繩水出焉東流注於

河河之入海舊在碣石今川流所導非禹瀆也周定

王五年河徙故瀆故班固曰商竭周移也又以漢武

帝元光二年河又徙東郡更注渤海是以漢司空掾

王璜言曰往昔天嘗連北風海水溢西南出侵數百

里故張君云碣石在海中蓋淪於海水也昔燕齊遼

渤海郡今武定府陽信縣海豐縣利津縣霑化縣地俱濱海

曠分置營州今城居海濱海水北侵城垂淪半宋本作城
垂淪者半王瓊之言信而有徵碣石入海非無證

水經卷五

新唐書
地理志
卷一百一
水經

水經卷六

漢桑欽撰

後魏酈道元注

新安張匡學三悅氏釋

汾水

澮水

涑水

文水

原公水

洞渦水

晉水

湛水

汾水出太原汾陽縣北管涔山

汾陽縣今山西汾州府附郭首縣
管涔山在山西直隸州忻州屬靜樂縣北一百四十里

山海經曰北次二經之首在河之東其東首枕汾其名曰管涔之山其上無草木而下多玉汾水出焉而流注於河十三州志曰出武州之燕京山亦管涔之異名也其山重阜修巖有草無木泉源道於南麓之下蓋穉水濛流耳又西南夾岸連山聯峰接勢劉淵族子曜嘗隱居於管涔之山夜中忽有二童子入跪

汾陽縣故城在山西太原府城北七十里

羊腸倉山在太原府交城縣東北一百里

晉陽縣今太原府太原縣地

曰管涔王使小臣奉謁趙皇帝獻劔一口置前再拜而去以燭視之劔長二尺光澤非常背有銘曰神劔服御除衆毒曜遂服之劔隨時變為五色也後曜遂為胡王矣汾水又南與東西溫谿合水出右近谿聲流翼注水上雜樹交蔭雲垂煙接自是水流潭漲波襄轉汎又南逕一城東馮墉積石側枕汾水俗謂之代城城又南出二城間其城角倚翼枕汾流世謂之侯莫干城蓋語出戎方傳呼失實也汾水又南逕汾陽縣故城東川土寬平垣山夸水故地理志汾水出汾陽縣北山西南流者也漢高帝十一年封斬彊為侯國後立屯農積粟在斯謂之羊腸倉山有羊腸阪

在晉陽西北石磴縈委若羊腸焉故倉阪取名矣漢永平中治呼沱石曰河按司馬彪後漢郡國志常山南行唐縣有石曰谷蓋咨乘據御覽作資承呼沱之水轉山東之費疑作漕自都盧至羊腸倉將馮汾水以漕太原用實秦晉苦役連年轉運所經凡二百八十九隘死者無算拜鄧訓為謁者監護水功訓隱括知其難立具言肅宗肅宗從之全活數千人和熹鄧后之立叔父以為訓積善所致也羊腸即此倉也魏土地記曰秀容胡人徙居之立秀容護軍治東去泚水三十里南與酸水合水源西出少陽之山東南流注於汾水汾水又南出山東南流洛陰水注之水出新興郡西

秀容城在山西直隸州忻州西北五十里洛陰城在太原府城東北六十里

孟縣今山西直隸州平定州屬縣其故城在太原府東北八十里
狼孟縣今太原府首邑陽曲縣故城在府城北七十里
祈今太原府屬祈縣地

太原郡治所今太原府地

流逕洛陰城北又西逕孟縣故城南春秋左傳昭公二十八年分祈氏七縣為大夫之邑以孟丙為孟大夫水又西逕狼孟縣故城南王莽之狼調也左右夾澗幽深南面大壑俗謂之狼馬澗舊斷澗為城有南北門門闔故壁尚在洛陰水又西南逕陽曲城北魏土地記曰陽曲胡寄居太原界置陽曲護軍治其水西南流注於汾水分水又南逕陽曲城西南注也東南過晉陽縣東晉水從縣東南流注之

太原郡治晉陽城秦昭襄王三年立尚書所謂既修太原者也春秋說題辭曰高平曰太原原端也平而有度廣延曰延當作疋古雅字大鹵太原也釋名曰地不生

物曰鹵盧

釋名曰鹵盧也如鑪火處也

穀梁傳曰中國曰太原夸

狄曰大鹵尚書大傳曰東原底平大而高平者謂之太原郡取稱焉魏土地記曰城東有汾水南流水東有晉使持節都督并州諸軍事鎮北將軍太原成王之碑水上舊有梁清泝殞於梁下豫讓死於津側亦

襄子解衣之所在也

呂氏春秋云趙襄子遊於囿中至於梁馬却不進使青荊進視

則豫讓佯為死人叱青荊曰吾且有事青荊退而自殺史記索隱引古本趙策云襄子使持衣與豫讓讓拔劍三躍而擊之衣盡出血汾水西逕晉陽城南舊有介子推祠

前有碑廟宇傾頽唯單碑獨存矣今文字剝落無可尋也

又南洞渦水從東來注之

榆次縣今屬太原府
原府梗陽縣故城在府屬徐溝縣界

大陵縣今太原府文水縣地其故城在縣東北二十里

鄆城在汾州府介休縣東北二十七里

中陽縣今汾州府孝義縣地
謁戾山在山西直隸州平定州屬樂平縣西南

中都縣今太原府榆次縣地

太谷縣今太原府屬縣

汾水又南逕梗陽縣故城東故榆次之梗陽縣也魏獻子以邑大夫魏戊也京相璠曰梗陽晉邑也今太原晉陽縣南四十里榆次界有梗陽地汾水又南即洞渦水會者也

又南過大陵縣東

昔趙武靈王遊大陵夢處女鼓琴而歌想見其人史記

載其歌曰美人熒熒兮顏若苕之榮命乎命乎曾無我贏吳廣進孟姚焉即於此

縣也王莽改曰大寧矣汾水於縣左地為鄆澤廣雅曰水自汾出為汾陂其陂東西四里南北一十餘里陂南接鄆地理志曰九澤在北并州藪也呂氏春秋謂之大陸又名之曰漚漚之澤俗謂之鄆城呂氏春秋九藪

吳之具區楚之雲夢秦之陽華晉之大陸梁之圃田孟諸齊之海隅趙之鉅鹿燕之大昭周禮云正北并州其川虞池嘔夸注云嘔夸祁夸也許慎說文曰馮水出西河中陽縣

之西南入河即此水也馮水又會嬰侯之水山海經稱謁戾之山嬰侯之水出於其陰北流注於汜水右出汜山其水殊源共合注於嬰侯之水亂流逕中都縣南俗又謂之中都水侯甲水注之水發原平縣胡甲山有長阪謂之胡甲嶺即劉歆遂初賦所謂越侯甲而長驅者也蔡邕曰侯甲亦邑名也在祁縣侯甲水又西北歷宜歲郊逕太谷謂之太谷水出谷西北流逕祁縣故城南自縣連延西接鄆澤是為祁藪也即一雅所謂昭餘祁矣賈辛邑也辛貌醜妻不為言

京陵縣故城在汾州府正遙縣東七十里

九原山在山西直隸州絳州西北二十里

中都縣故城在汾州府介休縣東北五十里

與之如臯射雉雙中之則笑也左傳賈辛為祁大夫將遼縣魏獻子舉叔向言昔賈大夫事則貌醜者指賈大夫非賈辛也王莽之示縣也又西逕京陵縣故城北王莽更名曰致城矣於春秋為九原之地也故國語曰趙文子與叔向遊於九原曰死者若可作也吾誰與歸叔向曰其陽子乎文子曰夫陽子行廉直於晉國不免其身智不足稱吾其隨會乎納諫不忘其師矣故其京尚存漢興增陵於其下故曰京陵焉甲水又西北逕中都縣故城南臨城際水湄春秋昭公二年晉侯執陳無宇於中都者也漢文帝為代王都此武帝元封四年上幸中都宮殿上見光赦中都死罪以下甲水又西合為嬰侯之水逕鄔縣

故城南晉大夫司馬彌牟之邑也謂之鄔水也俗亦曰慮水慮鄔聲相近故因變焉又西北入鄔陂而歸於汾流矣

又南過平陶縣東文水從西來流注之

汾水又南與石桐水合即縣水也水出介休縣之縣山北流逕石桐寺西即介子推之祠也昔子推逃晉文公之賞而隱於縣上之山也晉文公求之不得乃封縣為介子推田曰以志吾過且旌善人因名斯山為介山故袁崧郡國志曰介休縣有介山有縣上聚子推廟王肅器服要記曰昔魯哀公祖載其父孔子問曰寧設桂樹乎哀公曰不也桂樹者起於介子推子

平陶縣今平遙縣地後魏改陶為遙

介山一名綿上一名橫嶺在介休縣東南二十里

推晉之人也文公有內難出國之狄子推隨其行割肉以續軍糧後文公復國忽忘子推子推奉唱而歌文公始悟當受爵祿子推奔介山抱木而燒死國人葬之恐其神魂賈於地賈字誤當作賈賈檀弓蒙袂輯屨賈然來注云賈賈目不明貌異苑載子推逃祿隱迹抱樹燒死文公拊木哀嗟伐而製屐每壞割股之功俛視其屐曰悲乎足下足下之稱將起於此矣故作桂樹焉吾父生於宮殿死於枕席何用桂樹為余按夫子尚非璠璣送葬安能問桂樹為禮乎王肅此證近於誣矣石桐水又西流注於汾水又西南逕介休縣故城西王莽更名之曰介美矣城東有徵士郭林宗宋子浚二碑宋沖以有道司徒徵林宗縣人也辟司徒舉太尉以疾辭其碑文之

疑云將蹈洪崖之遐迹紹巢由之逸軌翔區外以舒翼一作天路以高峙稟命不融享年四十有三建寧四年正月丁亥卒凡我四方同好之人永懷哀痛乃樹碑表墓昭銘景行云陳留蔡伯喈范陽盧子幹扶風馬日磾等遠來奔器朋友服心器暮年者如韓子助宋子浚等二十四人其餘門人著錫衰者千數其碑文故蔡伯喈謂盧子幹馬日磾曰吾為天下碑文多矣皆有慙容唯郭有道無愧於色矣汾水之右有左部城側臨汾水蓋劉淵為晉都尉所築也又南過寇爵津一作冠御覽引此作寇爵津汾津名也在介休縣之西南俗謂之雀鼠谷數十里

雀鼠谷在介休縣西南三十里

永安縣 魏縣今
山西平陽府汾
西縣又直隸州
霍州地
唐城在平陽府
翼城縣東二十
五里
霍山在霍州東
南三十里

間道隘水左右悉結偏梁閣道壘石就路縈帶巖側
或去一丈或高六丈御覽引此偏作編下作或去水一尺或高五六尺上戴
山阜下臨絕澗俗謂之為魯般橋蓋通古之津隘又
一作亦在今之地嶮也

又南入河東界又南過永安縣西

故彘縣也周厲王流於彘即此城也王莽更名黃城
漢順帝陽嘉三年改曰永安縣霍伯之都也歷唐城
東瓚注漢書云堯所都也東去彘十里汾水又東與
彘水合水出東北太岳山禹貢所謂岳陽也即霍太
山矣上有飛廉墓飛廉以善走事紂惡來以多力見
知周王伐紂兼殺惡來飛廉先為紂使北方還無所

報乃壇於霍太山而致命焉得石棺銘曰帝令處父
不與殷亂賜汝石棺以葬死遂以葬於疑作霍太山
有岳廟廟甚靈烏雀不棲其林猛虎常守其庭又有
靈泉以供祭事鼓動則泉流聲絕則水竭湘東陰山
縣有侯曇山上有靈壇壇前有石井深數尺居常無
水及臨祈禱則甘泉涌出周用則已亦其比也彘水
又西流逕觀阜北故百邑也原過之從襄子也受竹
書於王澤以告襄子襄子齋三月舊本作日親自剖竹有
朱書曰余霍太山山陽侯天史也宋本作大三月丙
戌余將使汝反滅智氏女亦立我於百邑也襄子拜
受三神之命遂滅智氏祠三神於百邑使原過主之

水經注卷之六

趙城縣今直隸
州霍州屬縣

楊縣今平陽府
洪洞縣地其故
城在縣東南一
十八里

穀遠縣今平陽
府屬岳陽縣地

高粱城在山西
直隸州絳州稷
山縣東南三十
里

黑山在平陽府
浮山縣北四十
里黑水出焉一
名勞水

浮山在浮山縣
西六十里

世謂其處為觀阜也彘水又西流逕永安縣故城南
西南流注於汾水分水又南逕霍城東故霍國也昔
晉獻公滅霍趙夙為御霍哀公奔齊晉國大旱卜之
曰霍太山為祟使趙夙名霍君奉祀晉復穰也蓋霍
哀公之故居也汾水又逕趙城西南穆王以封造父
趙氏自此始也汾水又南霍水入焉水出霍太山發
源成潭漲七十步而不測其深西南逕趙城南西流
注於汾水

又南過楊縣東

間水疑作閭水東出穀遠縣西山西南逕楊縣霍山南又
西逕故城北晉大夫僚公去安之邑也郡國志云河東郡楊縣有

高粱亭晉羊舌大夫叔向邑也此云僚公去安未詳應劭曰故楊侯國王莽更
名有年亭也其水西汾入於汾水分水逕楊城西不
於東矣魏土地記曰平陽郡治楊縣郡西有汾水南
流者是也

西南過高粱邑西

黑水出黑山西逕楊城南又西與巢山水會山海經
曰牛首之山勞水出焉西流注於滴水疑是水也滴
水即巢山之水也水源東南出巢山東谷北逕浮山
東又西北流與勞水合亂流西北逕高粱城北西流
入於汾水又南逕高粱故城西故高粱之墟也春秋
僖公二十四年秦穆公納公子重耳於晉害懷公於

平陽縣今平陽
府附郭首縣臨
汾縣地白馬城
在府城東北二
十里

平陽郡治所三
國魏置平陽郡
晉因之今臨汾
縣地

此竹書紀年晉出公三十年今竹書作二十年智伯瑤城高
梁漢高帝十二年以為侯國封恭侯酈介於斯邑也
又南過平陽縣東

汾水又南逕白馬城西魏刑白馬而築之故世謂之
白馬城今平陽郡治汾水又南逕平陽縣故城東晉
大夫趙鼂之故邑也應劭曰縣在平河之陽堯舜並
都之也竹書紀年晉烈公元年韓武子都平陽漢昭
帝封度遼將軍范明友為侯國王莽之香平也晉立
平陽郡治此矣水側有堯廟前有碑魏土地記曰平
陽城東十里汾水東原上有小臺臺上有堯神屋石
碑永嘉三年劉淵徙平陽於汾水得白玉印方四寸

襄陵縣今屬山
西平陽府卻雙
城在縣東南二
十里

臨汾縣釋見前
其故城在絳州
東北二十五里

高二寸二分龍紐其文曰有新寶之印王莽所造也
淵以為天授改永鳳二年為河瑞元年汾水南與平
陽合水出平陽西壺口山尚書所謂壺口治梁及岐
也其水東逕狐谷亭北春秋時狄侵晉取狐廚者也
又東逕平陽城南東入汾俗以為晉水非也汾水又
南歷襄陵縣故城西晉大夫卻雙之邑也故其地有
雙氏鄉亭矣縣蓋即陵以名氏也王莽更名曰幹昌
也

又南過臨汾縣東

天井水出東陘山西南北有長嶺嶺上東西有通道
即鉞蹬也穆天子傳曰乙酉天子西絕鉞蹬西南至

鹿祁杜注地名
在絳西四十里
臨汾水今平陽
府曲沃縣西南
四十九里有晉
鹿祁宮故址

荀按今山西蒲
州府猗氏縣即
古郇國文王子
所封地

清原城在絳州
稷山縣西北二
十里
冀杜注晉邑今
絳州河津縣東
有冀亭故址

皮氏縣今河津
縣地

鹽是也穆天子傳澄作澄鉞音邢郭注云即井鉞之山其水三泉奇發西北
流總成一川西逕堯城南又西流入汾

又屈從縣南西流

汾水又經絳縣故城北竹書紀年梁武王當作梁惠成王二

十五年絳中地坼西絕於汾汾水西逕鹿祁宮北橫

水有故梁截汾水中凡有三十柱柱徑五尺裁與水

二蓋晉平公之故梁也物在水故能持久而不敗也

又西逕魏正平郡南故東州治大和中皇都徙洛罷

州立郡矣又西逕正一作王橋澮水入焉

又西過長修縣南

汾水又西與古水合出臨汾縣故城西黃阜下其大

若輪西南流故橫溝出焉東注於汾今無水又西南

逕魏正平郡北又西逕荀城東古荀國也汲郡古文

晉武公滅荀以賜大夫原氏也古水又西南入於汾

汾水又西南逕長修縣故城南漢高帝十一年以為

侯國封莊恬也有修水出縣南而西南流入汾汾水

又西逕清原城北故清陽亭也城北有清原晉侯蒐

清原作三軍處也汾水又逕冀亭南昔白季使過冀

野見郤缺耨其妻饁之相敬如賓言之文公文公命

之為卿復與之冀京相璠曰今河東皮氏縣有冀亭

古之冀國所都也杜預釋地曰平陽皮氏縣東北有

冀亭即此亭也汾水又西與華水合水出北山華谷

蒲坂在蒲州府東五里

稷杜注晉地河東聞喜縣有稷山隋置稷山縣今絳州稷山縣稷神山在縣南五十里山接閩喜縣界

皮氏縣今河津縣地

西南流逕一作於故城西俗謂之梗陽城非也梗陽

在榆次在此非宋本作非案故漢上谷長史侯相碑云

侯氏出自倉頡之後踰殷歷周各以氏分或著楚魏

或顯齊秦晉卿士薦斯其裔一作也食於宋本作采華陽

今蒲阪北亭也即是城也其水西南流注於汾汾水

又逕稷山北在水南四十許里山東西二十里南北

三十里高十三里西去介山一十五里山上有稷祠

山下稷亭春秋宣公十五年秦桓公治兵於稷以略

狄土是也左傳秦桓公伐晉晉侯治兵於稷以畧狄土

又西過皮氏縣南

汾水西逕鄧邱北故漢氏之方澤也賈逵云漢法三

年祭地汾陰方澤澤中有方邱故謂之方澤邱即鄧

邱也許慎說文稱從邑登聲河東臨汾地名矣在介

山北山即汾山也其山特立周七十里高三十里文

穎言在皮氏縣東南側可三十里乃非也今準此山

可高十餘里山上有神廟廟側有靈泉祈祭之日周

而不耗世亦謂之子推祠揚雄河東賦曰靈輿安步

周流容與以覽於介山嗟文公而愍推兮勤大禹於

龍門晉太康記及地道記與永初記並言子推所逃

隱於是山即實非也余按介推所隱者緜山也文公

環而封之為介推田號其山為介山杜預曰在西河

介休縣者是也汾水又西逕耿鄉城北故殷都也帝

耿鄉城在平陽府屬吉州南

祖乙自相徙此為河所毀故書敘曰祖乙圮於耿杜預曰平陽皮氏縣東南耿鄉是也盤庚以耿在河北迫近山川乃自耿遷亳後晉獻公滅之以封趙夙後襄子與韓魏分晉韓康子居平陽魏桓子都安邑號為三晉此其一也漢武帝行幸河東濟汾河作秋風辭於斯水之上汾水又西逕皮氏縣南竹書紀年魏襄王十二年秦公孫爰率師伐我圍皮氏翟章率師救皮氏圍疾西風十三年城皮氏者也漢河東太守潘舊本係穿渠引汾水以溉皮氏縣故渠尚存今無水

又西至汾陰縣北西注於河

汾陰縣今蒲州府屬河縣地汾陰睢一名汾睢上有后土祠在縣北一十里近河今崩圯過半

水南有長阜背汾帶河阜長四五里廣二里餘高十丈汾水歷其陰西入河漢書謂之汾陰睢應劭曰睢邱類也汾陰男子公孫祥望氣寶物之精上見祥言之於武帝武帝於水獲寶鼎焉遷於甘泉宮改其年曰元鼎即此處

澮水出河東絳縣東澮交東高山

澮水東出詳高山亦曰河南山又曰澮山西逕翼城

南按詩譜言晉穆侯遷都於絳翼舊本作冀孫孝侯

改絳為翼翼為晉之舊都也後獻公又北廣其城方

二里又命之為絳故司馬遷史記年表稱獻公九年

始成絳都左傳莊公二十六年晉士蔿城絳以浹其

絳縣今絳州屬縣又平陽府翼城縣亦其地翼即今平陽府翼城縣所謂北絳也絳杜注晉所都平陽絳邑縣今為絳縣屬絳州所謂南絳也

澮高山在翼城
縣東南一十五
里

宮是也其水又西南合黑水嶺水導源東北黑水谷
西南流逕翼城北右引北川水出平川南流注之亂
流西南入澮水澮水又西南與諸水合謂之澮交竹
書紀年曰莊伯十二年翼侯焚曲沃之禾而還作為
文公也又有賀水東出近川西南至澮交入澮又有
高泉水出東南近川西北趣澮交注澮又南紫谷水
東出白馬山白馬川遁甲開山圖曰絳山東距白馬
山謂是山也西逕榮庭城南而西出紫谷與乾河合
即教水之枝川也史記白起傳稱起涉河取韓安邑
東至乾河是也其水西與田川水合水出東谿西北
至澮交入澮又有女家水出於家谷竹書紀年曰莊

絳山一名紫金
山在絳州屬絳
縣西北二十五
里

伯以曲沃叛伐翼公子萬救翼荀叔軫追之至於家
谷有范壁水出於壁下並西北流至翼廣城昔晉軍
北入翼廣以築之因即其姓以名之二水合而為西
北流至澮交入澮澮水又西南與絳水合俗謂之白
水非也水出絳山東至寒泉奮涌揚波北注縣流奔
壑十一許丈青崖若點黛素湍如委練望之極為奇
觀矣其水西北流注於澮應劭曰絳水出絳縣西南
蓋以故絳為言也史記稱智伯率韓魏引水灌晉陽
不沒者三版智氏曰吾始不知水可以亡人國今乃
知之汾水可以浸平陽絳水可以浸安邑時韓居平
陽魏居安邑魏桓子肘韓康子韓康子履魏桓子肘

新田今絳州絳縣地

足接於車上而智氏以亡魯定公問一言可以喪邦有諸孔子以為幾乎余觀智氏之談矣汾水灌平陽或亦有之絳水浸安邑未識所由也

西過其縣南

春秋成公元年晉悼公謀去故絳欲居郇瑕魏獻子曰土薄水淺不如新田有汾澮以流其惡遂居新田又謂之絳即絳陽也蓋在絳澮之陽漢高帝六年封越騎將軍華無害為侯國縣南對絳山面背二水古文瑣語曰晉平公與齊景公乘至於澮上見乘白驂八駟以來有犬狸身而狐尾隨平公之車公問師曠對首陽之神有犬狸身狐尾其名曰名曰一作逢君者飲酒

得福則微之蓋於是水之上也

太平廣記同汲冢瑣語云晉平公至澮上

見人乘白驂八駟以來有狸身而狐尾去其車而墮公之車公問師曠師曠曰狸身而狐尾其名曰首陽之神飲酒於澮太山而歸其逢君於澮乎君其有喜

又西南過虎祁宮南

虎祁宮在平陽府曲沃縣西釋詳汾水

宮在新田絳縣故城西四十里晉平公之所構也時有石言於魏榆晉侯以問師曠曠曰石不能言或馮焉臣聞之作事不時怨讎動於民則有非言之物言也今宮室崇侈民力彫盡石言不亦宜乎叔向以為子野之言君子矣其宮地背汾面澮西則兩川之交会也竹書紀年曰晉出公五年澮絕於梁即是水也又西至王橋注於汾水

魏榆杜注晉地服虔曰魏邑也榆州里名也今山西太原府榆次縣西北有榆次改城通典曰晉魏榆邑也

晉陽今太原府
太原縣地

開喜縣今絳州
屬縣

晉智伯瑤攻趙襄子襄子奔保晉陽原過後至過三人於此澤自帶以下不見持竹二節與原過曰為我遺無卹原過受之於是澤所謂王澤也

涑水出河東聞喜縣東山黍葭谷

涑水所出俗謂之華谷至周陽與洮水合水源東出清野山世人以為清襄山也其水東大嶺下西流出謂之哈口又西合涑水鄭使子產問晉平公疾平公曰卜云臺台為祟史官莫知敢問子產曰高辛氏有二子長曰閼伯季曰實沈不能相容帝遷閼伯於商丘遷實沈於大夏臺台實沈之後能業其官帝用嘉之國汾川由是觀之臺台左傳作驗汾洮之神也賈逵曰

汾洮二水名司馬彪曰洮水出聞喜縣故王莽以縣為洮亭也然則涑水殆亦洮水之兼稱乎

又西過周陽邑南

其城南臨涑水北倚山原竹書紀年晉獻公二十五年正月翟人伐晉周有白兔舞於市即是邑也漢景帝以封田勝為侯國也涑水西逕董澤陂南即古池澤也涑水又與景水合水出景山北谷山海經曰景山南望鹽販之澤北望少澤其草多藟萹秦椒其陰多赭其陽多玉郭景純曰鹽販之澤即解縣鹽池也多赭其陽多玉郭景純曰鹽販之澤即解縣鹽池也按經不言有水今有水焉西北流注於涑水也

董澤一名董池
陂在聞喜縣東北四十里

鹽池在山西直隸州解州安邑縣西南

桐鄉城在曲沃
縣西南

又西南過其縣南

涑水又西逕仲邨北又西逕桐鄉城北竹書紀年

曰翼侯伐曲沃大捷武公請城於翼至洞一作讀庭當

乃返者也今竹書云武公請城於翼至桐而還漢書曰漢武帝元鼎

六年將幸緱氏至左邑桐鄉聞南越破以為聞喜縣

者也涑水又西與沙渠水合水出東南近川西北流

注於涑水涑水又西南逕左邑縣故城南故曲沃也

晉武公自晉陽徙此秦改為左邑縣詩所謂從子于

鵠者也春秋傳曰下國有宗廟謂之國在絳曰下國

矣即新城也王莽之洮亭也涑水自城西注水流急

澹輕津無緩故詩人以為激揚之水言不能流移東

左邑縣今聞喜
縣地

王官城在曲沃
縣西南二里

薪耳水側即狐突遇申生處也春秋傳曰秋狐突適

下國遇太子太子登僕使宋本作使登僕曰夷吾無禮吾請

帝以畀秦對曰神不歆非類君其圖之君曰諾請七

日見我於新城西偏及期而往見於此處故傳曰鬼

神所馮有時而信矣涑水又西逕王官城北在南原

上春秋左傳成公十三年四月晉侯使呂相絕秦曰

康猶不悛入我河曲伐我涑川俘我王官故有河曲

之戰是矣今世人猶謂其城曰王城也

又西南過安邑縣西

安邑禹都也禹娶塗山氏女思戀本國築臺以望之

今城南門臺基猶存余按禮天子諸侯臺門隅阿相

安邑縣今直隸
州解州屬縣

夏城在解州屬

夏縣西北一十五里城內有青臺

巫咸山俗稱巫咸頂在解州夏縣南五里

降而已未必一如書傳也故晉邑矣春秋時魏絳自魏徙此昔文侯縣師經之琴於其門以為言戒也劉說苑云師經鼓琴魏文侯起舞曰使我言而無見違師經援琴而撞文侯中旒潰之文侯將烹經經曰堯舜惟恐言之而人不違桀紂惟恐言而人違之臣撞桀紂非撞吾君也文侯令縣琴於戒門以為寡人戒武侯二年又城安邑蓋增廣之秦始皇使左更白起取安邑置河東郡王莽更名洮陽縣曰河東也有項寧都學道升仙忽復還此河東號曰升仙王克論衡號曰漢世又有閔仲叔隱遯市邑罕有知者後以識斥仙瞻而去涑水又西南逕監疑作鹽縣故城城南有鹽池水承之鹽水出東南薄山西北流逕巫咸山北地理志曰山在安邑縣東海外西經曰巫咸在女丑北

右手操青蛇左手操赤蛇在登葆山羣巫所從上下也大荒西經云大荒之中有靈山巫咸巫即巫盼巫彭巫姑巫貞巫孔巫抵巫謝巫羅今山海經貞作真又有巫禮十巫從此升降百藥爰在郭景純曰言羣巫上下靈山采藥往來也蓋神巫所遊故山得其名矣谷曰疑作口嶺上有巫咸祠其水又逕安邑故城南又西流注於鹽池地理志曰鹽池在安邑西南許慎謂之鹽鹽長五十一里廣六里周一百一十四里從鹽古聲今許慎說文解鹽字云鹽鹽池也在河東袤五十里廣七里周一百一十六里從鹽省古聲呂宿曰沈沙煮海謂之鹽河東鹽池謂之解鹽今池水東西七十里南北十七里紫色激滯渾而不流水出石鹽自然

水經注釋卷之六

猗氏縣今蒲州府屬縣

印成朝取夕復終無減損唯水暴雨澍甘潦奔洑則鹽池用耗故公私共竭水徑防其淫濫故謂之鹽水亦為竭水也故山海經謂之鹽販之澤也澤南面層山天巖雲秀池一作地谷泉淡左右壁立間不容軌謂之石門路出其中名之曰徑南通上陽北暨鹽澤池西又有一池謂之女鹽澤東西二十五里南北二十里在猗氏故城南春秋成公六年晉謀去故絳大夫曰郇瑕地沃饒近鹽左傳作沃饒而近鹽服虔曰土平有漑曰沃鹽鹽也土人鄉俗引水裂疑沃麻分灌川野畦水耗竭土自成鹽即所謂鹽鹺也而味苦號曰鹽田鹽鹽之名始資是矣本司鹽都尉治領兵一千餘人守

解縣今解州地

剗首杜注令狐在河東與剗首相接按令狐今猗氏縣地

之周穆王漢章帝並幸安邑而觀鹽池故杜預曰猗氏有鹽池後罷尉司分猗氏安邑置縣以守之又南過解縣東又西南注於張陽池涑水又西逕猗氏縣故城北春秋文公七年晉敗秦於令狐至於剗首先蔑奔秦士會從之闞駟曰令狐即猗氏也剗首在西三十里縣南對澤即猗頓之故居也孔叢曰猗頓魯之窮士也耕則常飢桑則常寒聞朱公富往而問術焉朱公告之曰子欲速富當畜五特特當作牝牛也謂牛馬豬羊驢五畜之特於是乃適西河大畜牛羊於猗氏之南十年之間其息不可計貲擬王公馳名天下以興富於猗氏故曰猗頓也涑水又西逕郇

春秋傳說彙纂
注令狐今山西
蒲州府猗氏縣
西十五里有令
狐城
桑泉杜注在河
東解縣西今蒲
州府臨晉縣東
北一十三里有
桑泉城
白衰杜注解縣
東南有白城今
在解州西北廬
柳今猗氏縣西
北有廬柳城
郇杜注解縣西
北有郇城今在
蒲州府臨晉縣
東北十五里

解梁今解州地

城詩云郇伯勞之蓋其故國也杜元凱春秋釋地云
今解縣西北有郇城服虔曰郇國在解縣東郇瑕氏
之墟也余按竹書紀年云晉惠公十有五年秦穆公
率師送公子重耳圍令狐桑泉白衰皆降焉秦師狐
毛與先軫禦秦至於廬柳乃謂秦穆公使公子繫來
與師言退舍次於郇盟於軍京相璠曰春秋土地名
桑泉白衰並在解東南不言解明不至解可知春秋
之文與竹書不殊今解故城東北二十四里有故城
在猗氏故城西北鄉俗名之為郇城考服虔之說又
與俗符賢於杜氏單文孤證矣涑水又西南逕解縣
故城南春秋晉惠公因秦返國許秦以河外五城內

及解梁即斯城也涑川一作水又西南逕瑕城晉大夫

詹嘉之故邑也春秋僖公三十年秦晉圍鄭鄭伯使

燭之武謂秦公曰晉許君焦瑕朝濟而夕設版者也

京相璠曰今河東解縣西南五里有故瑕城涑川一作水

又西南逕張陽城東竹書紀年齊師逐鄭太子齒

奔城張陽今竹書無陽字南鄭者也漢書之所謂東張矣高

祖二年曹參假左丞相別與韓信東攻魏將孫林邀

史記無林字軍東張大破之蘇林曰屬河東即斯城也涑

水又西南屬於陂陂分為二城南面兩陂左右澤渚

東陂世謂之晉興澤東西二十五里南北八里南對

鹽道山其西則石壁千尋東則磻谿萬仞方嶺雲迴

蒲坂在蒲州府城東五里

大陵縣故城在太原府文水縣東北二十里

平陶縣故城在文水縣西南二十五里

隱泉山一名陶山在文水縣西南二十五里卜天子嘗居之有石窟名子夏室

奇峰霞舉孤標秀出罩絡羣山之表翠柏蔭峰清泉灌頂郭景純云世所謂鶩漿也發於上而潛於下矣厥頂方平有良藥神農本草曰地有固活女疎銅芸紫苑之族也是以緇服思元之士鹿裘念一之夫代往遊焉路出北巘勢多縣絕來去者咸援蘿騰崖疑尋葛降溪於東則連木乃陟百梯方降巖側縻鎖之跡仍今存焉故亦曰百梯山也水泉山北流五里而伏云潛通澤渚所未詳也西陂即張澤也西北去蒲阪一十五里東西二十里南北四五里冬夏積水亦時有盈耗也

文水出大陵縣西山文谷東到其縣屈南到平陶縣東

北東入於汾

文水逕大陵縣故城西而南流有泌水注之縣西南山下武氏穿井給養井至幽深後一朝水溢平流東南注文水又南逕平陶縣之故城東西逕其城內南流出郭王莽更曰多穰也文水又南逕縣右會隱泉口水謁泉山之上頂俗云暘雨愆時是謁是禱故山得其名非所詳也其山石岸地嶮御覽引此作壁立天固崖平當作半有一石室去地可五十餘丈爰有層松飾巖列柏綺望唯西側一處得歷級升陟頂上平地一十許頃沙門釋僧光表建二刹泉發於兩寺之間東流瀝石汾注山下又一作東津渠隱沒而不恒

漢茲氏縣三國
魏中陽縣今汾
州府孝義縣地

六壁城在孝義
縣西南一十五
里

勝水在孝義縣
西八十里

流故有隱泉之名矣雨澤豐澍則通入文水又南逕
茲氏縣故城東為文湖東西一十五里南北三十里
世謂之西河在縣直東一十里湖之西側臨湖又有
一城謂之潞城水澤所聚謂之都亦曰潞蓋即水以
名城也文湖又東逕中陽縣故城東按晉書地道記
太康地記西河有中陽縣舊縣也文水又東南流與
勝水合水出西狐岐之山東逕六壁城南魏朝舊置
六壁於其下防離石諸胡因為大鎮太和中罷鎮仍
置西河郡焉勝水又東合陽泉水出西山陽谿東逕
六壁城北又東南流注於勝水勝水又東逕中陽故
城南又東合文水文水又東南入於汾水也

原公水出茲氏縣西羊頭山東過其縣北

羊頭山在汾州
府城西北一十
五里

縣故秦置也漢高帝更封沂陽侯嬰為侯國王莽之
茲同也魏黃初二年西河恭王司馬子盛廟碑文云
西河舊處山林漢末擾攘百姓失所魏興更開疆宇
分割太原四縣以為邦邑其郡帶山側塞矣王以咸
寧四年改命爵土其年十二月喪國臣太農閻崇離
石令宗羣等二百三十四人刊石立碑以述勲德碑
北廟基尚存也

又東入於汾

水注文湖不至汾也

洞渦水出沾縣北山

沾縣今山西直隸州平定州樂平縣地

受陽縣今平定州壽陽縣地

榆次縣今山西太原府屬縣

晉陽縣今太原府太原縣地

其水西流與南谿水合水出南山西北流注洞渦水
又西北黑水西出山三合源宋本作合三源無舍字同歸一
川東流南屈受陽縣故城東按晉太康地記樂平郡
有受陽縣盧諶征艱賦所謂歷受陽而總轡者也其
水西南入洞渦水又西蒲水南出蒲谷北流注之於
洞渦又西與原過水合舊本作近北便水流也水西阜
上有原過祠蓋懷道協靈受書天使憂結宿情傳芳
後日棟宇雖淪攢木猶茂故層巖水取名焉其水南
流注於洞渦水也

西過榆次縣南又西到晉陽縣南

榆次縣故塗水鄉晉大夫智徐吾之邑也春秋昭公

八年晉侯築虎祁之宮有石言晉之魏榆服虔曰魏
晉邑榆州里名也漢書曰榆次十三州志以為塗陽
縣矣王莽之太原亭也縣南側水有鑿臺韓魏殺智
伯瑤於其下刳腹絕腸折頭指頤處也其水又西南
流逕武觀城西北盧諶征艱賦曰逕武館之故郭問
厥墮之遠近洞渦水又西南為淳湖謂之洞渦津澤
而涂水注之水出陽邑東北大嶧山涂谷西南逕蘿
磬一作磬亭南與蔣谷水合水出縣東南蔣谿魏土地
記曰晉陽城東南一百一十里至山有蔣谷大道度
軒車嶺通於武鄉水自蔣谿西北流西逕箕城北春
秋僖公三十三年晉人敗狄於箕杜預釋地曰城在

箕杜注太原陽邑縣南箕城在

太原府太谷縣
東三十五里

陽邑南水北即陽邑縣故城也竹書紀年曰梁惠成
王九年與邯鄲榆次陽邑者也王莽之繁穰矣蔣谿
又西合涂水亂流西北入洞渦澤也

西入於汾出晉水下口者也

劉琨之為并州也劉淵引兵邀擊之合戰於洞渦即
是水也

晉水出晉陽縣西縣壅山

壅山海經作
雍注音囊

縣故唐國也春秋左傳稱唐叔未生其母邑姜夢帝
謂已曰余名而子曰虞將與之唐屬之參及生名之
曰虞呂氏春秋曰叔虞與成王居王援桐葉為珪以
授之曰吾以此封汝虞以告周公周公請曰天子封

懸壅山即懸壅
山一名龍山一
名結紉山在太
原縣西一十里

虞乎王曰余戲耳公曰天子無戲言時唐滅乃封之
於唐縣有晉水後改名為晉故子夏敘詩稱此晉也
而謂之唐儉而用禮有堯之遺風也晉書地道記及
十三州志並言晉水出龍山一宋本下
有云字水結紉山在
縣西北非也山海經曰縣壅一作
壅之山晉水出焉今
在縣之西南昔智伯之遏晉以水灌晉陽其川上滂
後人踵其遺蹟蓄以為沼沼西際山枕水有唐叔虞
祠水側有涼堂御覽
作臺結飛梁於水上左右雜樹交蔭
希見曦景至有淫朋密友羈遊宦子莫不尋梁契集
用相娛慰於晉川之中最為勝處
又東過其縣南又東入於汾水

大鹵公穀作大
原太原晉陽縣
穀梁傳曰號從
申國名從主人

汾舊本水分為一流北瀆即智氏故渠也昔在戰國
襄子保晉陽智氏防山以水之城不沒者三版與韓
魏望歎於此故智氏用亡其瀆乘高東北注入晉陽
城以周圍漑漢末赤眉之難郡掾劉茂負太守孫福
匿於城門西下空穴中其夜奔孟即是處也東南出
城流注於汾水也其南瀆於石塘之下伏流逕舊谿
東南出逕晉陽城南城在晉水之陽曰晉陽矣經書
晉荀吳帥師敗狄於大鹵杜預曰大鹵晉陽縣也為
晉之舊都春秋定公十三年趙鞅以晉陽叛後乃為
趙矣其水又東南流入於汾
湛水出河內軹縣西北山

軹縣今河南懷
慶府濟源縣地
其故城在縣南
一十三里名軹
村

向城在濟源縣
西南

河陽縣今懷慶
府孟縣地

平陰縣今河南
開封府滎澤縣
地

湛水出枳縣南源湛谿俗謂之湛水也是蓋聲盡鄰
故字讀俱變同於三豕之誤耳其水自谿之南流
東過其縣北又東過皮縣之北
湛水南逕向城東而南注
又東過毋避邑南
源經所注斯乃汨舊本川之所由非湛水之間關也
是經之誤證耳湛水自向城東南逕湛城東時人謂
之湛城亦或謂之隰城矣谿曰隰澗隰城在東言此
非矣後漢郡國志曰河陽縣有湛城是也
又東南當平陰縣之東北南入於河
湛水又東南逕鄧南流注於河故河濟有鄧津之名

矣

水經卷六

新唐書
匡商
米龜
香悅
周

水經卷七

漢桑欽撰

後魏酈道元注

新安張匡學三悅氏釋

濟水一

濟水出河東垣縣東王屋山為沈水

山海經曰聯水出焉西北流注於秦澤郭景純云聯

沈聲相近即沈水也

秦澤山海經作秦澤聯作聯音
輦史記夏紀兗州作沈州沈當

讀如充故

潛行地下至共山南復出於東邱今原城

東北有東邱城孔安國曰泉源為沈流去為濟春秋

說題辭曰濟齊也齊度也員也風俗通曰濟出常山

房子縣贊皇山廟在東郡臨邑縣濟齊其度量也余

按二濟同名也所出不同鄉源亦別斯乃應氏之非

垣縣今山西直隸州絳州垣曲縣地
王屋山在山西澤州府陽城縣南境山之東距河南懷慶府濟源縣八十里
共山在濟源縣北稍西原鄉之北
原城在濟源縣西北一十五里
俗呼原鄉

水經注釋也卷七

溫縣今懷慶府屬縣

矣今濟水重源出溫城西北平地水有二源東源出原城城東北昔晉文公伐原以信而原降即此城也俗以濟水重源所發因復謂之濟源城其水南逕其城東故縣之原鄉杜預曰沈水縣西北有原城者是南流與西源合而源出原城西東沈水注之水出西南東北流注於濟濟水又東逕原城南東合北水亂流東南注分為二水一水東南流俗謂之為衍水即沈水也衍沈聲相近傳呼失實也濟水又東南逕郟城北而出於溫矣其一水枝津南流注於溲音水出原城西北原山勳掌谷俗謂之為白澗水南逕原城西春秋會於溲梁謂是水之墳梁也爾雅曰梁莫

溲梁杜注溲水出河內軹縣東南至溫入河軹縣今濟源縣地陽樊即曲陽城在濟源縣西南一十五里軹關在濟源縣西軹縣故城在濟源縣南一十三里向城在縣西南

大於溲梁梁水隄也溲水又東南逕陽城東與南源合水出陽城南谿陽亦樊也一曰陽樊國語曰王以陽樊賜晉陽人不服文公圍之倉葛曰陽有夏商之嗣典樊仲之官守焉君而殘之無乃不可乎公乃出陽人春秋樊氏叛惠王使虢公伐樊執仲皮歸於京師即此城也其水東北流與漫流水合水出軹關南東北流又北注於漫謂之漫流口溲水又東合北水亂流東南左會濟水枝渠溲水又東逕鍾繇隰北世謂之鍾公壘又東南塗溝水注之水出軹縣西南山下北流東轉入軹縣故城中又屈而北流出軹郭漢文帝元年封薄昭為侯國也又東北流注於溲溲水

雍杜注雍國在
河內山陽縣西
今懷慶府修武
縣西有雍城

又東北逕汲縣故城北漢高帝封公上不害為侯國
淇水又東南流天漿水澗水注之水出軹南畢向城
北在畢上俗謂之韓王城非也京相璠曰或云今河
內軹西有地名向今無杜元凱春秋釋地亦言是矣
蓋相襲之向故不得以地名而無城也闕駟十三州
志曰軹縣南山西曲有故向城即周向國也傳曰向
姜不安於莒而歸者矣汲郡竹書紀年曰鄭侯使韓
辰歸晉陽向二月城陽向更名陽為河雍向為高平
即是城也其水有二源俱導各出一谿東北流合為
一川名曰天漿谿又東北逕一故城俗謂之治城亦
曰治水又東流注於淇淇水又東南流右會同水水

河陽城在懷慶
府孟縣西南三
十里

出南源下東北流逕白騎鴈南鴈在原上為二谿之
會北帶深隍三面岨嶮唯西版築而已東北流逕安
國城西又東北注淇水淇水東南逕安國城東又南
逕無辟邑西世謂之無比城亦曰馬髀城皆非也朝
廷以居廢太子謂之河陽庶人也淇水又南注於河
也

又東至溫縣西北為濟水又東過其縣北

濟水於溫城西北與故瀆分南逕溫縣故城西周畿
內國司寇蘇忿生之邑也春秋僖公十年秋滅溫溫
子奔衛周襄王以賜晉文公濟水南歷號公臺西皇
覽曰溫城南有號公臺基趾尚存濟水南流注於河

號公臺一名賀
酒臺在溫縣治
西南

鞏縣今河南河南府屬縣野王邑今懷慶府附郭首邑河內縣地

郭緣生述征記曰濟河內溫縣注於河蓋沿歷之實證非為謬說也濟水故瀆於溫城西北東南出逕溫城北又東逕虢公冢北皇覽曰虢公冢堆宋本在溫縣郭東濟水南大冢是也濟水當王莽之世川瀆枯竭其後水流逕通津渠勢改尋梁脈水不與昔同屈從縣東南流過墳城西又南當鞏縣北南入於河濟水故瀆東南合奉溝水水上承朱溝於野王城西東南逕陽鄉城北又東南流逕陽鄉城北又東南逕李城西秦攻趙邯鄲且降傳舍吏子李同說平原君勝分家財饗士得敢死者三千人李同與赴秦軍秦軍退李同死封其父為李侯故徐廣曰河內平臯縣

平臯縣故城古邢邱地在襄慶府城東

有李城即此城也於城西南為陂水淹地百許頃蒹葭萑葦生焉號曰李陂又逕墳城西屈而東北流逕其城北又東逕平臯城南應劭曰邢侯自襄國徙此當齊桓公時衛人伐邢邢遷於夷儀其地屬晉號曰邢邱以其在河之臯處勢平夷故曰平臯瓚注漢書云春秋狄人伐邢邢遷夷儀不至此今襄國西有夷儀城去襄國一百餘里邢是邱名舊本作平非國也余按春秋宣公六年赤狄伐晉圍邢邱昔晉侯送女於楚送之邢邱即是此處也非無城之言竹書紀年曰梁惠成王三年鄭城邢邱司馬彪後漢郡國志云縣有邢邱故邢國周公子所封矣漢高帝六年封碭

成臯縣即虎牢
今河南開封府
汜水縣地
滎陽縣滎澤縣
俱開封府屬縣

郡長項伯為侯國賜姓劉氏武帝以為縣其水又南
注於河也

與河合流又東過成臯縣北又東過滎陽縣北又東至
北礫磧南東出過滎陽北

釋名曰濟濟也源出河北濟河而南也晉地道志曰
濟自大伾入河與河水鬪南洑為滎澤尚書曰滎波
既豬孔安國曰滎波水以成豬鬪駟曰滎波音澤
名也故呂忱曰滎水在滎陽謂是水也昔大禹塞其
淫水而於滎陽下引河東南以通淮泗濟水分河東
南流漢明帝之世司空伏恭薦樂浪人王景字仲通
好學多藝善能治水顯宗詔與謁者王昊始作浚儀

浚儀縣今開封
府祥符縣地渠
久湮無跡

渠吳用景法水乃不害此即景作所修故瀆也渠流
東注浚儀故復謂之浚儀渠也明帝永平十五年東
巡至無鹽帝嘉景功拜河隄謁者漢靈帝建寧四年
於敖城西北壘石為門以遏渠口謂之石門故世亦
謂之石門水門廣十餘丈西去河三里石銘云建寧
四年十一月黃場石也而主吏姓名磨滅不可復識
玉海二十一卷內引水經注云浚儀縣竹書紀年梁
惠成王三十一年三月為大溝於北邪以行圃田之
水陳留風俗傳曰縣北有浚水象而儀之故曰浚儀
續述征記曰汴河到浚儀而分汴東注河南流建寧
四年於敖城西北壘石為門以遏渠口謂之石門故
世亦謂之石門水門廣十餘丈西去河三里石銘云
建寧四年十一月黃場石魏太和中又更修之撤故增新石字淪
落無復在者水北有石門亭戴延之所云新築城周

西東廣武二城
在滎澤縣廣武
山三皇山間二
山相連

城三百步滎陽太守所鎮者也水南帶三山即皇室
一作三山一作三亦謂之為三室山也郡國志注引西征記云滎陽有廣武城在
三皇山上或謂之三室山上有二城曰東濟水又東逕西廣武城北
廣武西廣武各在山一頭相去二百餘步

郡國志滎陽縣有廣武城城在山上漢所城也高祖
與項羽臨絕澗對語責羽十罪羽射漢祖中脅處也
山下有水北流入濟世謂之柳泉也

濟水又東逕東廣武城北

楚項羽城之漢破曹咎羽還廣武為高祖置太公其
上曰漢不下吾烹之高祖不聽將害之項伯曰為天
下者不顧家但益怨爾羽從之今名其壇曰項羽堆

夾城之間有絕澗斷山謂之廣武澗項羽叱婁煩於
其上婁煩精魄喪歸矣

濟水又東逕敖山北

詩所謂薄狩于敖者也其山上有城即殷帝仲丁之
所遷也皇甫謐帝王世紀曰仲丁自亳徙囂於河上
者也或曰敖矣秦置倉於其中故亦曰敖倉城也

濟水又東合滎瀆

瀆水受河水有石門謂之為滎口石門也而地形殊
卑蓋故滎播書作滎波所道自此始也門南際河有故碑
云惟陽嘉三年二月丁丑使河隄謁者王誨疏達河
川述當作遂荒庶土云大河衝塞侵齧金隄以竹籠石

敖山在滎澤縣
境

葦葺土而為遏壞隕無已功消億萬請以濱河郡徒
疏山采石壘以為障功業既就徭役用息未詳玉海
文無未詳詔書許誨立功府鄉規基經始詔榮當作
二字疑衍加命遷在沈州乃簡朱軒授使司馬登令纘茂前緒
稱遂休功登以伊洛合注大河南則綠山東過大伾
回流北岸其勢鬱懷濤怒湍急激疾一有波溢彌原
淹野螳孔之變害起不測蓋自姬氏之所常感昔崇
鮐所不能治我二宗之所劬勞於是乃跋涉躬親經
之營之比率百姓議之於臣伐石三谷水匠致治立
激岸側以捍鴻波隨時慶賜說以勸之川無滯越水
土通演役未踰年而功程有畢斯乃元勳之嘉課上

德之宏表也昔禹修九道書錄其功后稷躬稼詩列
於雅夫不憚勞謙之勤夙興厥職充國惠民安得湮
沒而不章焉故遂刊石記功垂示於後其辭云云使
河隄謁者山陽東昏司馬登字伯志代東萊典城王
誨字孟堅河內太守守城向豺字伯尹丞汝南鄧方
字德山懷令劉丞字季意河隄掾匠等造陳留浚儀
邊韶字孝先頌石銘歲遠字多淪鼓其所滅蓋闕如
也滎瀆又東南流注於浦今無水次東得宿須水口
水受大河渠側有扈城水自亭東南流注於濟水今
無水宿須在河之北不在此也蓋名同耳自西綠帶
山隰秦漢以來亦有通否濟水與河渾濤東注晉太

郟注鄭地今
開封府鄭州東
六里有郟城

和中桓溫北伐將通之不果而還義熙十三年劉公
西征又命寧朔將軍劉遵考仍此渠而漕之始有激
湍東注而終山崩壅塞劉公於北十里更鑿故渠通
之合則南瀆通津川澗是導耳濟水於此又兼郟目
春秋宣公十三年晉楚之戰楚軍於郟即是水也昔
卞京相璠曰在敖北

濟水又東逕滎陽縣北

曹太祖與徐榮戰不利曹洪授馬於此處也

濟水又東南礫石谿水注之

水出滎陽城西南李澤澤中有水即古馮池也地理
志曰滎陽縣馮池在西南是也東北流歷敖山南春

秋晉楚之戰設伏於敖前謂是也逕虢亭北池水又
東北逕滎陽縣北斷山東北注於濟世謂之礫石澗
即經所謂礫谿矣經云濟出其南非也

濟水又東索水注之

水出京縣西南嵩渚山與東關分水即古旃水也其
水東北流器難之水注之山海經曰小陘之山器難
之水出焉而北流注於侵水即此水也其水北流逕
金亭又北逕京縣故城西入於旃狀之水城故鄭邑
也莊公以居弟段號京城大叔祭仲曰京城過百雉
國之害也城北有壇山置趙世家成侯二十年魏獻
滎陽因以為壇臺置也其水亂流北逕小索亭西京

嵩渚山一名小
陘山索水出焉
在開封府滎陽
縣東南二十五
里

京注鄭邑滎
陽京縣今開封
府滎陽縣東南
三十里有京縣
故城

大索城在滎陽
縣西五十里小
索城在大索城
東北

索氏姓注河南
成皋縣東有大
索城今滎陽縣
東三十里有京
城大索城在京
城西二十里其
東北二十里為
小索城

相璠曰京有小索亭世語以為本索氏兄弟居此故
號小索者也又為索水索水又北逕大柵城東晉滎
陽民張卓董邁等遭荒鳩聚流離堡固名為大柵隄
至太平真君年潁州刺史崔白自虎牢移州治此又
東開廣舊城創制改築焉太和十七年遷都洛邑省
州置郡索水又屈而西流與梧桐澗水合水出西南
梧桐谷東北流注於索斯水亦時有通塞而不常流
也索水又北屈東逕大索城南春秋傳曰鄭子皮勞
叔向於索水即此城也晉地道志所謂京有大索小
索亭漢書京索之間也索水又東逕號亭南應劭曰
滎陽故號公國也今號亭是矣故馬淵郡國志曰縣

有號亭俗謂之平眺城城內有大家名管叔豕或亦
謂之為號眺城非也蓋號號字相類字轉失實也風
俗通曰俗說高祖與項羽戰於京索遁於薄中羽追
求之時鳩止鳴其上追之者以為必無人遂得脫及
即位異此鳩故作鳩杖以扶老按廣志楚鳩一名嘑
啣號眺之名蓋因鳩以起目焉所未詳也索水又東
北流須水右入焉水近出京城東北二里榆子溝亦
曰柰榆溝也又亦或謂之為小索水東北流木蓼溝
水注之水上承京城南淵世謂之車輪淵淵水東北
流謂之木蓼溝又東北入於須水須水又東北流於
滎陽城西南北注索索水又東逕滎陽縣故城南漢

滎陽將故城在今縣西五十里

後魏滎陽郡治所今開封府滎陽縣北

王之困滎陽也紀信曰臣詐降楚王宜間出信乃乘王車出東門稱漢降楚楚軍稱萬歲震動天地王與數十騎出西門得免楚圍羽見信大怒遂烹之信冢在城西北三里故蔡伯喈述征賦曰過漢祖之所隘弔紀信於滎陽其城跨倚岡原居山之陽王莽立為新隊備周六隊之制魏正始三年歲在甲子被癸丑詔書割河南郡鞏縣自闕以東創建滎陽郡并戶二萬五千以南鄉築滎陽城鄉亭侯李勝字公照為郡守顧原武典農校尉政有遺惠民為立祠於城北五里號曰李君祠廟前有石蹠蹠上有石的按會稽記縣山有石壁方二丈的的如石的銘具存其略云百族射侯則此石的即其類也

旃然水出嵩渚山一名小陘山在滎陽縣東南二十五里

鴻溝在滎澤縣境內

欣戴咸推厥誠今猶祀禱焉索水又東逕周苛冢北漢祖之出滎陽也令御史大夫周苛守之項羽拔滎陽獲苛曰吾以公為上將軍封三萬戶侯能盡節乎苛瞋目罵羽羽怒烹之索水又東流北屈西轉北逕滎陽城東而北流注濟水杜預曰旃然水出滎陽成臯縣東入汴春秋襄公十八年楚伐鄭右師涉潁次於旃然即是水也濟渠水斷汴溝唯承此始故云受旃然矣亦謂之鴻溝水蓋因漢楚分王指水為斷故也郡國志曰滎陽有鴻溝水是也蓋因城地而變名為川流之異目濟水又東逕滎陽澤北故滎水所都也京相璠曰滎澤在滎陽縣東南與濟隧合濟隧

卷縣今原武縣
開封府屬將黃
河遷徙移置河
北為懷慶府屬
縣

上承河水於卷縣北河南逕卷縣故城東又南逕衡
雍城西春秋左傳襄公十一年諸侯伐鄭西濟於濟
隧杜預闕其地而名之水也京相璠曰鄭地也言濟
水滎澤中北流至恒雍西與出河之濟濟水伏流自
河而出故謂
之出河會南去新鄭百里斯蓋滎播河濟往復逕通
矣出河之濟即陰溝之上源也濟隧絕焉故世亦或
謂其故道為十字溝自于岑造八激隄於河陰水脈
徑斷故瀆難尋又南會於滎澤狀水既斷民謂其處
為滎澤春秋衛侯及翟人戰於滎澤而屠懿公宏演
報命納肝處也呂氏春秋云狄人殺衛懿公食之遺
其肝宏演使返報命肝下自剖其腹
納懿公有垂隴城濟瀆出其北春秋文公三年左傳
之肝

垂隴杜注鄭地
今開封府滎澤
縣東北有隴城
故址

年晉士穀盟於垂隴者也京相璠曰垂隴鄭地今滎
陽東二十里有故隴城即此是也世謂之都尉城蓋
滎陽典農都尉治故變垂隴之名矣澤際又有沙城
城左佩濟瀆竹書紀年梁惠成王九年王會鄭釐侯
於巫沙者瀆際有故城世謂水城非也史記秦昭王
四十二年魏冉攻魏走芒卯入北宅即故宅陽城也
竹書紀年曰惠王十三年王及鄭釐侯盟於巫沙以
釋宅陽之圍歸釐於鄭者也竹書紀年晉出公六年
齊鄭伐衛荀瑶城宅陽俗言水城非矣濟水自澤東
出即是始矣王隱曰河浹為滎濟水受焉故有濟隄
矣為北濟也濟水又東南逕釐城東春秋經書公會

時來杜注柳也
滎陽縣東有釐
城鄭地也在開
封府城東四十
里

鄭伯於時來左傳所謂釐也京相璠曰今滎陽縣東
四十里有故釐城也濟水又合黃水黃水發源京縣
黃淮止止一作山東南流名祝龍泉泉勢沸涌狀若
巨鼎湯湯西南流謂之龍項口世謂之京水也又屈
而北注魚子溝水入焉宋本作北注於水出石暗澗
東北流又北與瑟瑟水合水出西谿東流水上有連
理樹其脫一柞櫟也南北對生凌空交合谿水歷二
樹之間東流注於魚水魚水又屈而西北注黃水黃
水又北逕高陽亭東又北至故市縣重泉水注之水
出京城西南小宋本陸山東北流又北流逕高陽亭
西東北流注於黃水又東北逕故市縣故城南谿高

按陽武縣開封
府屬縣因黃河
遷徙今移置河
北屬懷慶府

帝六年封閭澤赤為侯國屬縣也黃水又東北至滎
澤南分為二水一水北入滎澤下為船塘俗謂之邲
城陂東西四十里南北二十里竹書穆天子傳曰甲
辰天子浮於滎水乃奏廣樂是也一水東北流即黃
雀溝矣穆天子傳曰壬寅天子東至於雀梁者也又
東北與靖水枝津合二水之會為黃泉北流注於濟
水按漢書年表高帝六年封閭澤赤為
敬市侯以上故市縣應作敬市縣

又東過陽武縣北
濟水又東南流入陽武縣歷長城東南流蕩蕩渠出
焉
濟水又東北流南濟也逕陽武縣故城南

水經注卷七

七

按封邱縣開封府屬縣因黃河遷徙今移置河北屬衛輝府小黃城在開封府東北

王莽更名之曰陽桓矣又東為白馬淵淵東二里南
北一百五十步泉流名為白溝又東逕房城北穆天
子傳曰天子里圃田之路東至於房疑即斯城也郭
注云以為趙郡房子也余謂穆王里鄭圃而郭以趙
之房邑為疆更為非矣

濟水又東逕封邱縣南

又東逕大梁城北東左宋本逕倉垣城又東逕小黃

縣之故城北縣有黃亭說濟疑作臨溝又謂之曰黃溝縣

故陽武之東黃鄉也故因水以名縣沛公起兵野戰

喪皇妣於黃鄉天下平定乃使使者以梓宮招魂幽

野於是丹旒自水濯洗入於梓宮丹旒當作丹蛇陳留風俗傳云有丹

蛇在水自灑濯之入於梓宮其浴處有遺髮焉故諡曰昭靈夫人

因作寢以寧神也

濟水又東逕東昏縣故城北

陽武縣之戶牖鄉矣漢丞相陳平家焉平少為社宰

以善均肉稱今民祠其社平有功於高祖封戶牖侯

是後置東昏縣也王莽改曰東明矣

濟水又東逕濟陽縣故城南

故武父城也城在濟水之陽故以為名王莽改之曰

濟前者也光武生濟陽官光明照室即其處也東觀

漢記曰光武以建平元年生於濟陽縣是歲有嘉禾

生一莖九穗大於凡禾縣界大熟因名曰秀

東昏縣今山東直隸州濟寧州屬金鄉縣地

濟陽縣今山東濟南府屬縣其故城在曹州府曹縣西南五十里逕漢世祖誕生地

卷縣即原武縣
地開封府屬縣
黃河遷徙今移
置河北為懷慶
府屬縣

又東過封邱縣北北濟也

自滎澤東逕滎陽卷縣之武修亭南春秋左傳成公

十五年左傳作十年鄭子然盟於修澤者也鄭地矣杜預

曰卷東有武修亭

濟水又東逕原武縣故城南

春秋之原圃也穆天子傳曰祭父自圃鄭來謁天子

夏庚午天子飲於滄上乃遣祭父如圃鄭是也王莽

之原桓矣濟瀆又東逕陽武縣故城北又東絕長城

築也按竹書紀年梁惠成王十二年龍賈率師築長

城於西邊自亥谷以南鄭所城矣竹書云是梁惠王

十五年築也郡國志曰長城自卷逕陽武到密者是

矣

濟瀆又東逕酸棗縣之烏巢澤北

澤有故亭晉太康地記曰澤棗宋本作澤在酸棗之東南昔

曹太祖納許攸之策破袁紹軍處也濟瀆又東逕封

邱縣南燕縣之延鄉也其在春秋為長邱焉應劭曰

左傳宋敗狄於長邱獲長狄綠斯是也漢高帝封翟

盱濮水出焉濟瀆又東逕大梁城之赤亭北而東注

又東過平邱縣南北濟也

縣故衛地也春秋魯昭公十三年諸侯盟於平邱是

也縣有臨濟亭田儋死處也又有曲濟亭皆臨側

濟水者又東過濟陽縣北濟也

酸棗縣即延津
縣地開封府屬
縣黃河遷徙今
移置河北為衛
鄉府屬縣

平邱縣故城在
開封府陳留縣
西北九十里

自武父城北圈稱曰按隋經籍志闕駟撰十三州志

曰下應闕駟曰在縣西北鄭邑也東逕濟陽縣故城

有別文北陳留風俗傳曰縣故宋地也竹書紀年梁惠成王

十三年城濟陽漢景帝中元六年封梁孝王子明為

濟川王應劭曰濟川今陳留濟陽縣是也

又東過冤昫縣南又東過定陶縣南南濟也

濟瀆自濟陽縣故城南東逕戎城北春秋隱公二年

公會戎於潛杜預曰陳留濟陽縣東南有戎城是也

濟水又東北荷一作水東出焉

濟水又東北逕冤昫縣故城南呂后元年封楚元王

子劉執為侯國王莽之濟平亭也按漢表乃景帝封

冤句縣故城在山東曹州府境定陶縣府屬縣戎杜注陳留濟南縣東南有戎城其故址在曹州府曹縣境

荷水在曹州府附郭首邑荷澤縣境內久涸

濟水又東逕秦相魏冉冢南

冉秦宣太后弟也代客卿壽燭為相封於穰益封於

陶號曰穰侯富於王室范雎說秦秦王悟其擅權免

相就封出關輜車千乘卒於陶而因葬焉世謂之安

平陵墓南崩碑尚存

濟水又東北逕定陶恭王陵南

漢哀帝父也帝即位母丁太后建平二年崩上曰宜

起陵於恭王之園送葬定陶貴震山東王莽秉政貶

號丁姬開其櫛戶火出炎四五丈吏卒以水沃滅乃

得入燒燔櫛中器物公卿遣子弟及諸生四夷十餘

萬人操持作具助將作掘平共王母傅太后墳及丁

姬冢二旬皆平莽又周棘其處以為世戒云時有羣
鷲數千銜土投於丁姬窀中今其墳冢巍然尚秀隅
阿相承列郭數周面開重門南門內夾道有崩碑二
所世尚謂之丁昭儀墓又謂之長隧陵蓋所毀者傳
太后陵耳丁姬墳墓事與書違不甚過毀未必一如
史說也瀆南魏郡治也世謂之左城亦名之曰葬城
蓋恭王之陵寢也

濟水又東北逕定陶縣故城南

側城東注也

也字似謬疑當作此

縣故三醜國也湯追桀伐三

醜即此周武王封弟叔振鐸之邑也故曹國

宋本作叔振鐸

之邑故曹國也漢宣帝甘露二年更濟陰為定陶國王筭之

古三醜國周曹國今曹州府地三醜亭在府界定陶縣界


濟平也戰國之世范蠡既雪會稽之恥乃變姓名寓
之於陶為朱公以陶天下之中諸侯四通貨物之所
交易也治產致千金富好行德子孫修業遂致巨萬
故言富者皆曰陶朱公也

又屈從縣東北流南濟也

又東北右合河水水瀆上承濟水於濟陽縣東世謂
之五丈溝又東逕陶邱北地理志曰禹貢定陶西南
有陶邱陶邱亭在南墨子以為釜邱也竹書紀年魏
襄王十九年薛侯來會王於釜邱者也尚書所謂導
河水自陶邱北謂此也河水東北出於定陶縣北屈
左合汜水汜水西分濟瀆東北逕濟陰郡南爾雅曰

汜水在曹州府西南三十里

濟別為楚呂忱曰水洩復入為汜廣異名也汜水又
東合於河瀆昔漢祖既定天下即帝位於定陶汜水
之陽張晏曰汜水在濟陰界取其汜愛宏大而潤下
也汜水名於是乎在矣汜水又東北逕定陶縣南又
東北右合黃水枝渠渠上承黃溝東北合河而北注
濟瀆也



水經卷七

真和壬戌

